



通州直隸州志
卷末
雜紀
十六冊

ル 5
1568
16



九〇五
1068
160

通州直隸州志

雜紀

祥異

方技

二氏

寺觀附

軼聞

敘曰史有數類志其一也而志之為類又孔庶焉依類
 排纂猶有無可類者今之志區而類之十有二矣其於
 斯邦暨兩屬邑一附庸之事畧備矣而一災一祥可省
 也一材一藝可錄也彼法荒唐而不必闕稗說委瑣而
 不盡誣也廁之前牘無所於歸贅諸簡尾宜已易有之
 物相雜故曰文遂以雜紀終篇

通州直隸州志卷末
雜紀
祥異

通州直隸州志卷末

雜紀

祥異

休徵咎徵見諸五行傳者他郡國從同而水氣勃戾失性為沴瀕江海之區尤塵念焉弭災召和端在人事豈盡蒼蒼者主宰是也

宋仁宗明道元年通州靜海海門泰興如皋大旱饑二年復饑

英宗元豐四年七月甲午夜靜海海門大風雨漂沒沿江官私廬舍二千七百三十有六損禾稼
七年州城西北隅地藏殿後牡丹一莖五花



高宗紹興六年五月大旱

二十六年秋如皋蝗有鷺食之盡詔禁捕鷺

孝宗淳熙三年夏積雨傷稼民饑七月如皋大蝗日捕數十車羣飛絕江

五年八月黑鼠食禾既歲大饑民食草木

八年旱

九年靜海邑里燬於兵泰興蝗

十年如皋旱蝗害稼

甯宗慶元六年饑

嘉定元年泰興如皋大饑斗米二千

理宗淳祐六年泰興如皋飛蝗蔽天

寶祐二年泰興沙埠生紫芝一本三莖高一尺四寸

恭宗德祐二年如皋大饑人相食

元世祖至元元年海潮湧溢溺人無算

十八年饑

成宗大德二年七月暴風江水大溢高四五丈漂没人畜廬舍無算

九年六月蝗

十一年靜海水

仁宗皇慶二年八月通州如皋大風海溢

英宗至治元年泰興蝗

三年州郡饑

通州直隸州志 卷之
泰定帝泰定三年十一月海門水溢沒民廬
致和元年大風海溢

文宗天厯元年六月靜海雨水傷稼

順帝至正元年海潮湧溢人多溺死

二年八月江水一夕忽竭

九年泰興張村民家產麒麟旋斃

十九年雨雪害稼

二十年州大旱

明太祖洪武二十二年七月海溢捍海堤溺死鹽丁無
算

成祖永樂九年江湖漲四日漂人畜甚眾

英宗正統五年大旱饑

九年江水泛溢

十四年大水

代宗景泰五年五月大雪竹木多凍死七月復大雪冰
厚三尺海濱水亦凍結草木萎死

六年江水溢

七年旱蝗

憲宗成化三年七月海溢壞捍海堰六十九處溺死呂
四等場鹽丁二百七十四人

六年秋至七年春大旱運河竭

八年七月大雨海溢壞鹽倉軍民廬舍不可勝計

十六年狼山浮屠災

二十年大旱河竭斗粟易子女

孝宗宏治十六年夏秋大旱

十七年大饑死者相藉

十八年大旱蝗饑九月如皋地震

武宗正德六年六月大雨海溢傷禾十月狼山殿災

七年七月十八日風雨大作海潮漂沒官民廬舍溺死

男婦三千餘口其日流寇劉七殲於狼山

十年四月有龍起西北風大作沙石蔽空摧撤本州禮

房架閣庫軍器庫及壞民居四百餘間

十一年淫雨傷禾雷擊泰興文廟東柱

世宗嘉靖元年六月朔日下有五色雲見七月二十五

日震雷風雨大至江海暴溢民居蕩析死者數千人

二年春夏大旱秋大水饑民相食

八年七月通州等處雨黃沙禾稼不登如皋蝗

九年冬泰興雷

十年江溢

十四年大旱蝗

十六年夏雷擊通州文廟左鴟吻及左楹

十八年秋閏七月海水驟溢高二丈餘溺死民竈男婦

二萬九千餘口漂沒官民廬舍畜產不可勝計

十九年旱蝗秋大水傷稼

二十年春大水夏旱蝗

三十年雷擊如皋文廟火光迸地

三十二年如皋丁堰鎮地生白毛長二三寸

三十三年正月州北城成鋪忽自焚二月朔南教場內楊樹火出節間眾以水沃之乃熄十一月二十八日有火光如柱見東方數夜乃滅如皋大旱疫

三十五年大有秋

三十七年秋大水害稼

三十八年三月二十五日狼山江海神祠災

是年夏秋大旱

三十九年大饑民食草木

四十三年四月西成鄉民家牛生三首

穆宗隆慶元年大雨連春夏

二年正月雷地震七月風雨江漲壞民廬田舍

三年七月風雨暴至海溢漂沒廬舍溺死者眾

四年蝨蝕禾

六年如皋民家牛身有字文

神宗萬曆元年如皋野蠶成繭

二年有大星隕於西方火光四散七月十四日風雨異常江海泛溢拔木發屋溺死者不可勝計次日有青鸞數十棲於狼山為僧人所殺

三年六月朔大風壞民居傷禾稼

五年七月四日州城南郭外民李鏗妻徐氏一產四女
二不全體踰日母子俱死海門縣陸某家牆下聞犬聲
掘牆得四犬斃其三一犬大地不見

六年冬大冰雪飛鳥墜地死

八年泰興麥數歧冬地震有聲

十年七月己巳夜大風拔木海潮泛溢漂溺民舍人多
死者十年十一年皆大有年泰興斗米錢三十

十五年大水

十六年大旱民饑人相食泰興知縣段尙繡禱之輒雨
乃大有秋閏六月戊寅夜大雷狼山浮屠災
十七年十八年旱

十九年泰興麥三歧牛雙犢

二十年如皋產芝二本

二十一年雨黑黍地震

二十五年水嘯

二十六年春淫雨無麥

二十七年如皋焦家莊產芝二本李上林宅枯竹復生

三十四年郡人張一元烹鼈有寸許人五官皆具

四十年郡人白有慶烹鼈有寸許人五官皆具

四十一年飛蝗害稼

四十三年大饑地震

四十四年八月日光摩盪有五六日並見經月始滅九

月蝗十一月龍游河孕婦產巨蛇

熹宗天啟元年二月雨雹四月日食不見

三年十二月丁未酉時地震有聲如雷

五年狼山塔頂有赤鳥如火六月大旱

六年六月地震

七年正月己丑雷震狼山浮屠東北角八月庚戌又震

西南角五級皆穿

莊烈帝崇正元年雨雹大雪雪中聞雷四月麥秀三歧

七月癸酉大風至八月辛卯止沿江田地半坍於江冬

十一月癸未雷電乙酉天大昏霧著草木皆冰

二年六月丁亥颶風海溢壞田廬

三年八月潮沒田廬冬日中虹見日傍有兩日

四年五月淫雨四十餘日七月郡民姚龍婦生子類牛

一尾一角九月南廂民李樹聲妻尤氏產一子三目四

手兩角肉帶鷹鷂者二跳跟欲上屋遂扼殺之胡某家

僕婦生一鼈一鎚最後生子有身而無首

五年六月辛巳大風拔州城南張武定公祠中樹樹幾三百

年壞民間廬舍無算

六年大旱河皆龜坼民饑

七年正月戊子雷震雨雹十月十一月太白經天幾月

餘十二月丁亥未時雷

九年正月二十八日早昏黑如夜疾雨轟雷中隕黑豆

滿地拾之須臾盈掬其味甘苦不一五月辛未州東門外八里河星隕如雨

十年正月朔日食二月晦己亥日始出色赤如血無光有青色如日者數千百或聚或散與日相摩

十一年大旱民饑

十二年大旱蝗飛蔽天民大饑疫

十三年大旱蝗食草木葉皆盡

十四年大旱自春不雨至冬溪河涸竭蝗蝻復生民大饑疫

十六年冬至夜雷大震

十七年三月太白經天大疫

國朝順治二年閏六月十五日星隕如雨九月二十七日

甘露降十月十五日空中有聲

三年正月朔迷霧三月苦雨淹麥州中丁祭鹿自斃九月霜降日聞雷

四年大旱饑疫死者甚衆

五年雨傷穀民饑秋旱

六年六月二十三日龍現全身七月大旱

八年四月苦雨民饑大水復衝壞民居米價一石四兩

十一月木介經旬

九年二月雨雹

十一年六月二十二日颶風湧潮死者以萬計

十二年四月郡兵王四妻生男長二尺五寸浴時扶盆而立越三日母死

十三年七月十四日白虹貫日

十五年八月二十三日地震十月朔虹見越二日大風潮沒望江樓

十七年十一月朔虎入境

十八年夏旱七月十四日風拔狼山四賢祠大木祠宇盡毀次日海潮灌河河水盡黑魚蝦之屬俱絕九月單山飛星竟夜

康熙二年正月震雷達旦五月不雨至於七月禾苗盡枯九月雨不止江鄉被汨農民棄田轉徙十月桃李華

林擒實十一月四日雷電

四年泰興水災

七年如皋地生毛六月地震

十年六七月大旱

十一年蝗

十二年正月泰興木介三日

十六年江水溢

十八年大旱飛蝗蔽天

十九年如皋麥穗兩歧

二十二年春夏縣雨黑蟲食麥

三十年六月海潮暴溢溺死者無數

三十五年江湖溢溺人無算

三十六年泰興麥穗兩歧

三十八年大旱蝗

四十年大稔

四十四年大水

五十年大饑

五十五年八月雷擊狼山浮屠

五十六年十月雷

五十七年大雪盈丈

雍正元年淫雨傷稼民饑

二年夏蝗秋大風雨海嘯市上行舟沿海漂沒一空十

二月雷

五年雌鴨化爲雄十一月地震

六年夏旱

七年夏旱蝗

八年冬桃杏華

九年冬十月地震

十年秋風雨大作江海水溢八月桃杏海棠華十一月

地震

十一年正月雨雹夏大旱六月大水秋雨黑豆冬蠶豆

實歲大饑

十二年東蕩麥穗兩歧夏大雨行潦成渠大風壞屋無

算海潮溢

十三年學宮尊經閣鴟吻吐瑞烟秋大水冬雨黑豆
乾隆元年春三月園竹開華夏四月北郭火災延燒百
四十家二十三日夜大風雨水溢市衢秋大水冬謗言
禁民間畜雞四境盡殺而瘞之
二年白蒲范氏田中麥穗五歧形如指掌
三年秋大旱河竭民饑
四年夏大旱疫
五年春三月朔狂風拔木秋沿江蘆洲田蟲災冬異冷
七年二月隕黃沙南郊民家菊有黃華秋大水無禾
九年春雨雹夏大旱秋蝗

十一年夏旱

十二年春正月雷秋大風雨拔木壞屋江溢傷禾
十三年夏五月暴風雨雹拔木壞屋無算
十四年元日五色雲見三月如皋徐孝子墓田產芝一
本

十五年夏大疫

十七年麥穗兩歧四月地震九月象鼻橋顧之瑞墓產
芝草二本

十八年白蒲陳氏田麥穗雙歧

十九年春旱夏大水秋大風海溢

二十年自二月雨至八月止江海暴溢冬大雪大饑

二十一年春大饑升米百錢夏大疫比戶無免者

二十四年夏旱蝗

四十六年立秋前一日大風江溢沿江郡邑傷人無數
秋日玉蘭再花

五十年大旱大饑夏大疫秋日杏樹花

五十一年春旱至六月始雨饑疫

五十二年如皋產芝七莖

五十三年豐利場麥穗雙歧

五十四年旱

五十五年夏四月大雨冰麥盡損赤地數十里木葉盡
脫

六十年麥穗雙歧南沙有四五六七穗並一莖者

嘉慶二年大風雨海溢傷居民

九年七月泰興沿江潮溢

十二年七月大雨雹

十九年夏大旱河盡涸

二十五年夏旱

道光元年四星聚於壁夏秋大疫村里中有一日連斃
數十人者有一家數口盡歿者

三年夏大水

九年七月旱

十一年夏大雨江湖暴漲

十二年冬大雪

十三年秋大風潮溢日光黯淡作淡綠色十月雷雨兼旬歲歉成災

十四年秋大水

十六年秋蝗不為災

十八年六月大風雨江水漲盛

十九年正月大雪盈尺三月大雨雹

二十三年夏旱

二十八年六月壬戌自寅至申東北颶風大作拔木毀屋江海暴溢平地水深數尺歲大歉

咸豐二年州西庫火

三年正月己巳既昏有火如星如燐以千百計自西南趨東北隱隱聞甲兵聲凡四五夜四月五月地數震

四年州學宮明倫堂忽圯

六年夏秋亢旱飛蝗蔽天歲大歉

十年三月大雪

十一年八月丁巳朔日月合璧五星聚奎

同治二年冬桃杏華

六年夏疫雞翅生爪

十一年三月雨雹五月地震有聲

十二年夏旱

十三年雷震白蒲文峰閣神像出檻外

方技

遷固正史旁採眾技未必體極藝能蓋亦班班名家者焉吾郡當康乾之世有負策抵掌懷協末用以鳴於時者而今杳矣雖小道亦不古若乎

通州

明莊大綱	吳常晉子道純	白珏子或如	孫訥子鐘
朝王檀	王孫尚	袁瑣顧驄	王永光
張經子雨	李山鄭松	徐祐弟伯父	蔣永昌
子士楨	劉遇基	顧天璠	黃霖弟
亦鳳黃堅	顧天璠	湯密世	白珏
子儒和	程儀	馬世雍	周兆奎
湯飲	蔣煜子榮	周兆奎	李長年
從父瑩	蔣煜子榮	周兆奎	李長年

明莊大綱
 朝王檀
 張經子雨
 子士楨
 亦鳳黃堅
 子儒和
 湯飲
 從父瑩

吳常晉子道純
 王孫尚
 李山鄭松
 劉遇基
 顧天璠
 馬世雍
 蔣煜子榮

白珏子或如
 袁瑣顧驄
 徐祐弟伯父
 顧天璠
 湯密世
 周兆奎

孫訥子鐘
 王永光
 蔣永昌
 黃霖弟
 白珏
 周兆奎

李長年
 李長年
 李長年
 李長年
 李長年
 李長年

有傳

吳常晉字晉明諸生有至性博覽羣籍兼通岐黃凡瀕死者昇而就視之一藥輒起全椒吳國對以編修家居聘晉往為起沈痾遂訂終身交子道純字味先亦諸生判太醫院康熙中隨征楚北以功授荊州同知

賜名天選

白珏字璧雙善彈琵琶取古今曲操譜而被之五音不爽少遊大梁客周邸京師名公卿皆與納交革代後避地太倉寓太常卿王時敏南園祭酒吳偉業從牆外聞其聲曰此白三郎也訪之珏為奏一曲乃莊烈帝十七年以來事敘述亂離豪嘈淒切座客皆哽咽偉作琵琶

行贈之子或如傳其技

國朝王檀字子升母夢神授旃檀一枝而生故名精醫不拘古法田婦誤吞鍼刺腸檀以桂附硫磺等劑授之痛欲絕利下而鍼出人訊其故曰此五行生剋理也火制金故效以其術傳弟子張獻康熙初官太醫院使

馮孝原日子升為郡中名醫赴揚州太守召數百里求療治者男婦喧擁舟不得行太守感其起宿疾以美姬酬之歸一二年遂不起所謂工於為人而拙於自為者也可慨已

王邦傳字紫瀾好學知醫喜為善病者就治給以藥餌貧則依薪米贈之或酬以金謝曰吾欲濟人豈售藥耶

袁璜字玉書工畫山水喜遊覽與酣時長縑大幅握管
潑墨唯恐其盡投金帛購之則不可得同時顧聰專寫
竹石嘗之吳見郊外有竹人家作圖贈之主人請設色
願以金酬聰笑裂其幅而去王永光者字叔旦初亦寫
竹見聰技棄而學山水與璜齊名高介亦相類

孫訥字吾容諸生讀書有大志得異人授古方書遂精
醫判太醫院在職三十八年母疾馳歸終喪不出以畫
自娛子鏜字大聲有父風鏜子奎文苑有傳

張經字涵六畫無師授筆力所到皆曲盡其妙客京師
大學士吳正治延之弗就徧游海內諸名勝流連山水
舉范寬語語人曰筆墨至性與其師人不若師諸造化

江山之助詎獨詩文然也經幼失怙事節母薛以孝聞
重然諾嚴取子有儒者風子雨森初名雨字作霖乾隆
中祇候畫院

御題

其山水幅有懸之高堂六月涼助我清興生吟席又吳中
沈周清狂客雨森筆似人亦肖又雨森勉參詩畫禪會當示
汝無形妙註雨森頗能詩故云等語時以為榮森子尚世其
業

徐祐字周臣禕字晉臣兄弟並工琴甫冠囊琴走京師
集報國寺擁絃角藝四座傾倒得

召見

暢春院祐禕對鼓數曲均邀
睿賞談琴學者僉稱江南二徐云

蔣芳字馥公工花卉尤精草蟲其從子紆瀟灑更過之
吳攸字靈巖山水師黃子久並有名

范利仁字西藪尚寶卿鳳翼從孫工繪事名與蔣芳吳
攸相埒知州施其禮客之幕中十有三年未嘗干以私
禮解官時語諸父老曰吾涖茲土得一廉士知之乎眾
起問禮舉酒屬仁曰此君是也子士楨箴並精父藝箴
字心澡作畫別有神會嘗為郡守繪牧牛圖描摹盡相
人謂箴以藝諫家貧性介斷炊時輒畫一牛付質庫中
得錢易粟以活

李山初名光奎字一桂工山水人物間涉禽魚草蟲無
不入妙晚年兼工隸書侍郎高其佩以指頭畫法擅名
江浙聘山入幕推仙筆焉知州白映棠李世裔先後投
交雅相器重其徒鄭松字蒔巖性尤古樸好畫松編修
袁鑑見而歎曰君其自為寫照耶松子蕙亦以畫名
謝伯字申伯父國子生永昌甘貧好學伯少從里中琴
師徐祐遊技成走京師主高其佩往來公卿間倦游歸
里訓其子曰琴之道可通於文宮商相宣清濁相間盡
其術而一軌於古鄭聲弗能亂也子二愚泉傳其藝載
陽字紹羊諸生兼工書從子谷作山水運墨入妙尤善
鑒別古器

鄒亦鳳字振先精青烏家言每披棘榛檢荒塚評休咎
多奇中有顧氏墓葬已久鳳謂穴有地風棺已欹側啓

視之果然

劉遇基字步青精弈旨楊法奇者素以弈名一日與基弈局未半卽斂手退曰前賢畏後生矣基之先有劉世祥字逸林亦工弈其家童穉無不弈者人疑劉氏弈有秘授

黃霖字月船諸生書法米南宮喜畫墨梅有半生耐冷梅花手爭肖逢人畫牡丹句兄煒文苑有傳弟燕字松軒燾字爾室並工書畫時有黃氏四家之目

羅邃字密山繪人物最工子儒亦著名後有冒邃名作畫者黃堅一見輒識別眞贗堅字蘭坡繼邃稱名手顧天璫字惠佩例貢少棄舉業以拳勇名間通堪輿之

學兼知醫所試著奇效出時師意外璫有大志不獲售乃託於百家庶技以自見論者惜之

湯密字聞自書法歐陽畫蘭竹均有神悟性灑脫與里人保宏助交哦詩對弈酒半出紫簫相酬答又詠諧善謔旣耄猶能登躔毬蹴五花毬作繡獅子舞

白佩字珮儀工花卉渲染欲活購者一幀可百金間以絨片貼素縑上亦栩栩有致

顧緒字述亭善畫梅郡中長於梅者李方膺外有田琴湯飲和程儀諸家並稱神妙緒尤蒼勁異常子震字游雷畫亦肖緒震子廷駿文苑合傳

馬世雍字武周業瘍醫凡他醫所不治者雍輒治之全

活無算家遺方書甚夥嘉道來以術鳴於時者皆所授也弟世仁字錫周亦精其技

李敦謨字研雲歲貢維斗子兄毓謨從子天衢並雄於文敦獨工畫神韻翛然性好潔寓居蕭寺中清苦如梵行僧

錢恕字心齋父球從父瑩並以畫名恕貧而介橐筆自給浪游江浙竹窗烏几有迂瓚風

蔣煜字秋田歲貢震文子天姿敏慧嘗製渾天儀觀星測晷了然心目又為萬年表終歲自行較西器尤良工寫真紙上有生氣子蔡字侗初畫亦入妙

周兆奎字星垣工弈周氏世以弈名奎父長年有善行

家城東城西有周某者業賤而技與相埒世稱東周西周奎與靜海李許清齊名又稱李周清字海門性孤僻客京邸不阿事權貴落拓以死

秦興縣

明曹岳 陳士龍
朝曹雲 陳申 朱素 戴昱薛珩 季應召 徐三
易從子履本孫質

明曹岳字次岳風格秀逸壯游京師以畫應詔入內苑試第二

陳士龍字鳳林太醫院吏目施藥濟人不責償晚歲無依傾貲葺藥王廟棲息其中

國朝曹雲字峒山諸生精幼科尤善治痘有婦負子詣雲

視者雲曰子痘無恙汝不生矣果如其言

陳申字夔庵博覽多藝工山水運思高妙人莫能及

朱素字靜虛亦工山水尤善摹古人名蹟幾欲亂真性

兀傲不輕揮灑或憐其貧持米索畫却之竟日不炊

戴昱字五知得宋元人宗派畫不苟作薛珩字楚玉學

於昱者也昱弟子甚眾而珩獨盡其妙

季應召字蒲徵歲貢侍御振宜子嗜古忘倦取家藏名

人縑素沈浸其中因工畫字亦遒勁尤善寫貓得者黏

壁上可嚇鼠有萬錢購一紙者諺曰活貓不如季貓

徐三易字竹堂諸生精繪事水墨花卉尤闢盡前人豁

町從子履本字峻林孫質字竹孫世以善畫聞

如皋縣

明張榮

曹察齋

郜連

黃經

李泰

蔣鍾尹

冒瓚

明張榮字伯仁常山人家於皋精醫人以疾請無寒暑

雨雪無弗往投劑輒效倭寇壓境劉景韶延之軍中會

大疫起者千餘人邳州治河皋民往役者多疫死榮請

往匍匐入茅蓬中人視而人療之不費縣官一錢嘗手

致千金好施予卒之日家無餘貲子孫有名於時玉成

其著也

曹察齋亦良醫也失其名嘗行途中聞婦產作楚特甚

命拾地上敗葉煎湯服之卽下人叩其故曰吾取其敗

落耳

郜連字方壺例貢官台州經歷性嗜山水五嶽親歷其三善鼓琴工寫蕉日本以重直購之人稱郜蕉

黃經字濟叔工山水尤究心篆籀侍郎周亮工稱其書畫兼神逸二妙以非罪論繫事既解名震公卿輦金至門悉隨手散去客死常州黃岡杜濬千里致弔詩以哭之

國朝許容字實夫侍講嗣隆弟工篆刻善畫作山水蕭散有逸致官福州檢校

江漢龍字時化工寫蘭竹尤精醫嘗謂人以心爲主心脈治病危亦生心脈絕膚理雖生亦死盲囊以賑饑致

疾僵臥七日如死狀龍診視曰脈伏重淵春氣至冰未卽釋三日當自起已而果然子源孝友有傳

方欽字席儒父疾彌年遂通醫書精其術康熙丙寅邑大疫貧者予以藥或令家人煮而飲之所活甚衆

李泰字左民工畫嘗入玉女山跌坐鴛鴦松下見停雲飄然遂超神悟游京師寫一金粟如來相莊嚴端好張護國寺觀者如堵弟升亦善畫人稱二李孫增世其學蔣鍾尹字愚溪精醫論究傷寒諸證尤爲醫氏指南久客燕齊秦晉間歸與石京張槎朱學潛輩詩歌談笑有古人風

盲瓚字象珠工弈慎邸賜額曰高人一著諸城劉統勳

目為仙品後緣事謫成至豫太倉畢沅邀之署中相得甚歡

黃學圮字孺子兄振文苑有傳圮善鐵筆精研六書篆隸之學好遊覽先後客大興朱珪長沙陶澍幕中尤以能詩名

二氏

魏書有釋老志元史有釋老列傳此曆史創例耳象教虛無儒者勿道而修煉飛昇之說不經尤甚存其誕正以見其誣亦猶行前志之意云爾

通州

後周潘爛頭宋知幻 原肇 燕真人
元江十二孫了通 虞真人
明方晟孫太慧 明河 宏儲上璽 通濟 智宗
王堯年玉環 心 明悅 願力超際 爾尊子蘭

後周潘爛頭名桂源顯德中僑居州城南善驅役神鬼偶如廁書符召將將怒以筆觸額額爛久乃仙去郡人即其地建籍仙觀

宋知幻臨沂人姓田氏早肄舉業讀楞嚴經有悟歎曰世榮雖樂不如無為樂之長久也遂落髮修三摩地法太平興國中主狼山廣教禪院造大聖塔

原肇字淮海靜海潘氏子淳熙中薙髮受具於浙之徑山歸憇光孝寺姿性穎悟超出流輩詩亦清新印應雷帥淮上嘗招致之已而遷吳城雙塔金陵清涼天台萬年蘇州萬壽杭州淨慈靈隱諸刹歿於徑山

燕真人名幻往來江湖間歸隱軍山山多虎蛇人不敢至幻甚安之嘗醉卧城南橋上忽雲霧四起與神人遇至今名其橋曰望仙後至洪州告所與遊者曰吾當去矣不疾而逝舉棺將焚覺輕甚啓視之惟草履存

元江十二至正中居報恩坊漉豆乳鬻市日灑掃城南華光樓得遺金還主有楚中木客見江狀貌若謂曾至其地者然江實未他出木客異之人木若干章助修斯樓一日廟祝夢神自稱胡靜一總管曰明旦江十二當代我江果卒

了通性嗜酒狼山寺火燎見烈焰中有僧噴水滅之乃了通也火燼皆帶酒氣
虞真人會稽人僞吳時隱狼山得導引之術體輕顏少一日雲鶴翔集一童子詣曰東華帝君召子于其行乎遂升雲去

明智明字若昧姓毛氏性高穎通徹三藏從允白一雨

雪浪諸師遊示寂匡廬之東峰麻城李長庚泰和蕭士瑋爲建普雨塔

孫太慧字羽文幼學武未成終南周真人來海上往見焉求爲弟子周遇之嚴慧不以爲苦也周有園室在雲夢遣慧居守閉關三年究心道詣粗解文字時與士人賦詩往來周聞而戒之徙居廬山老君巖羣虎皆馴能自知死期至日說偈而逝

明河字汰如姓陳氏幼爲興化寺僧善記覽究心內典徧歷支硎皋亭華山諸法席嘗講經南都大報恩寺白鶴繞座所著有續高僧傳楞伽經注月明鐘歲寒吟等書

宏儲字繼起姓李氏年二十五辭親渡江祝髮鄧尉山習靜三年深明宗旨稱臨濟三十二代孫嘗主國清寺語郡將釋數千亂民於死以葬親歸通事竣駐靈巖山山有眚井二祝之水溢人益異之時高士徐枋隱居山麓謂其注念君親與聖賢道合自來善知識中無有也著有靈巖和尚語錄上璽字靈章聞儲接引甚衆卽往受戒參學數年郡人王兆陞迎歸馬鞍山

邵潛夫曰昔靈光講經白下天雨寶花慧遠卓錫廬山泉流涌出與河公之鶴翔天際儲公之泉涌階前何異哉吾通自原肇以還歷四百七十餘年僅當吾世而得二師孰謂亦一尋常桑門而易之

通濟字山茨父李三省感相師言命爲僧嗣法武林移
席天台上南嶽登祝融結茅擲鉢峯下桂林王聞而異
之爲建緣蘿庵

智宗字法空山西人修持嚴謹不輕言笑挂錫軍山山
故無屋宇手自芟闢結數椽居之有巨蟒昂首榻前聽
其諷誦宗沃瓶水灑之卽去王揚德初官狼山與宗善
宗曰十年後君當專闢斯地已而果然爲宗建剎山巔
延主其席嘗艱於取水以杖卓巖間泉輒湧出

國朝方晟字雍篋姓孫氏初名閔奎字紫雯鄉賢閔達兄
也少補諸生課諸弟嚴達成進士喜曰吾願畢矣遂有
出世志走靈巖謁宏儲語日夕不休儲曰子慧業文人

成佛不應後靈運也俟婚嫁畢來參玉版禪乃歸爲二
子納婦分田宅授之年五十將嫁女挈貲之吳置奩具
旣備付僕先歸卽入靈巖詣儲乞正果家人發其篋得
永訣書跡之山中卒不可見儲有天下只一僧小印遺
革時以傳燈許晟遂手授焉著有宗門崇行錄纂註金
剛經口義

甲戌志曰方晟往吳時篋中留一詩云早誤儒冠事不
成普天率土莫非臣贖餘一我安何處桐柏宮霞映赤
城其志可觀矣昔之隱君子有韜光匿采不得志而逃
於禪者方晟豈其流亞與

玉環兩耳墜大玉環故名環無斷接痕穿墜耳間時或

脫却人以爲異能積氣上下若輻輳有聲漉麵爲餅爨
臍上輒熟病者食之卽愈自稱明天順時從西域來有
路引藏笥中康熙初居軍山羅漢院與范國祿康所善
臨歿祿所贈詩箋所贈履皆封置棺中後有歸自山
東者遇環於道寄箋與履歸諸祿所仍故物也
心一字二非光孝寺僧事師極誠謹執親喪亦中禮好
施予曠懷磊落出游江浙旣歸居城西碧雲庵以畫名
明悅字秀穎持戒鍾山有道力能濟人緩急晚年開講
興化教寺寺有戒僧曰願力字聘白康熙中獨新斯寺
超際字衍燈亦寺中僧出主江甯葢幢庵徧游廬嶽乃
歸著江梅閣集

爾尊崇報院僧焚修高潔其徒子蘭亦端謹不苟
王堯年居華王廟歲早置水缸烈日中架大鏡其上取
赤巾繞鏡作環鎖狀登臺誦咒繫符烏翅令西去越宿
大雨堯素寡過不輕試法一生凡三禱皆驗
明睿字嚴庵世燈庵僧精習內典從師游靈隱留爲西
堂首座歷二十年喜爲詩著烟雲閣集
眼明字法燈孝感人居城西大悲庵精麻衣僧相法語
休咎多奇中

泰興縣

唐法響
明吳泰和 竹隱 至誠
國朝見月 心融 洞山務本 張展庵 佛眉 紫峰

唐法響海陵李氏子年十六爲廣福寺僧縣有虎害響召虎虎至弭伏不動杖其脛虎遂絕跡居濟川鎮小孤山旣示寂弟子造浮屠葬之歲旱禱雨輒應

明吳泰和少師延祐觀陳可同解三洞元文洪武十五年郡邑苦旱和祈求七日不應乃積薪廟側約某日不雨當自焚至期遠邇聚觀和神色自若縱火焚之俄而雲合雨注稿苗復蘇

竹隱成化中結庵江濱多植竹因以自號逢人必說一偈語不可解事後皆驗泰州儲懽贈詩有淮南新竹寺江北舊僧廬句

至誠口岸鎮壽勝寺僧冬夏一破衲不盥濯而垢不生

困乏時不受人一錢一日解衣躍入池水中跌坐而逝

國朝見月康熙初入華山秉戒三年遂得付法歸居慈雲

庵未幾復去

心融居壽勝寺募建殿宇齋堂凡十餘年心力皆瘁願旣畢長笑而逝

洞山弟子務本住茅庵中同甘淡泊清癯如瘦石後遊天台不知所終

張展庵居延祐觀工符籙祈禱必應邑有疫癘亦乞符驅之善導引年七十猶童顏

佛眉慶雲寺僧性清雅究心儒書學爭坐帖極工後主靈隱方丈

繫峰慈雲庵僧寡言笑終日跌坐語人陰晴寒燠恆不失期庵有大鐘聲聞十數里有力者欲昇之去以死爭之得免

如皋縣

宋沙懋 如本
明孫念二 蔣道人殷世傑
國朝行悅 章清憲 朱陽瑄陸修文吳遠馨

宋沙懋姓袁氏年十二為中禪寺僧攻苦食淡晝夜誦經不輟嘗之城南值虎伏路旁不為害將示寂徧辭諸檀施曰吾歸矣越日果逝

如本福州人居石莊鎮明禧寺紹興辛巳金兵暴淮上本收瘞遺骸三百得官給僧牒一日偕眾僧他往寺中

火諸僧戒帖度牒皆燼惟本牒掛梁間既墮地一大瓦覆之畧無所損

明孫念二失其名家饒於貲與妻蔣持齋好善盡以田產奉靈威觀香火相傳拔宅昇去邑之孫公蔣婆二鋪所由名也

蔣道人居丁堰鎮真武廟每夜解散數珠以手捫拾或至達旦久之珠有碧光照如白晝鎮西橋下有怪石俗呼鬼橋蔣仗劍往裂石為四嘗舟行阻風以一符置檣竿張帆疾行雙旬殷世傑者善禁鬼而不善遣趙氏女苦崇請於傑傑縛一鬼詣蔣蔣畫灰作圈置鬼其中徐步揮劍鮮血迸流視之乃一貓頭也

國朝行悅字梅國博學工詩行楷法魯公張圯授師事之嘗爲三誓五願三誓者凡遇外誘作盲子想凡遇人倫作處女想凡遇侮慢作孱提想五願者願如寶花入而不汙願如寶輪轉而不折願如寶座高而不傾願如寶瓶滿而不溢願如寶燈光無不照著語錄八卷

章清憲字赤臣居武廟中善醫邑大疫設藥局於廟東廡又善禳禱水旱神殿災募金不足盡出所蓄重新之及歿至無以殮

朱陽瑄字瑤章居藥王廟端慤寡言嘗割股愈父追還葛生遺金得異人術驅崇屢驗初廟僅數椽且蕪瑄增修而拓其宇其徒陸修文吳遠馨並得其傳

附寺觀

通州

天甯禪寺在州治西北唐咸通中僧藻煥建舊名光孝寺有光孝塔五級宋政和中賜額曰大雄之殿清祐中郡人印應雷奏改今名咸清中郡人管某建毘盧閣明天順元年僧法恩募修學正黃甯記

廣惠寺一在州北西成鄉唐咸通中僧陽谷建明景泰中僧儀通修一在石港場唐咸通六年建一在利和鎮咸通八年郡人陳宗建宋淳熙中僧原肇修明洪武十四年僧智仁重修後沒於江

永德庵在州東青幹鄉唐大順元年建

籍仙觀在州城南後周顯德中郡人顧審建

地藏殿在州治北黃金壩宋咸平中建元豐時殿後牡丹一莖五花知

州鍾離景伯紀以詩曰春風榮萬木此卉異常葩海角

逢三月僧房見五花馨香驚俗眼燦爛照高牙公子休

追賞如來會上誇

法寶寺在白蒲鎮宋至和元年僧億山建鎮初有聖教寺創自唐太

和四年後燬至是重建定祿德祐二年僧師忠修明洪

武五年燬天順二年僧通明通亮重修

募修

豐利寺在州西北四十里宋隆興中僧福惠建

興化教寺一名西寺在州城南一里宋乾道元年建元至正

十八年燬明洪武十五年重建設僧正司於此嘉靖中

復燬隆慶元年重建郡人江一山記

國朝康熙十八年修

興國禪寺一名東寺在州城南宋乾道二年建元至正十八

年燬明洪武十四年重建

元妙觀在州治東南宋慶元二年建名天慶觀元至正

二年重建改今名明洪武十五年設道正司於此崇正

中郡人張元芳

國朝康熙九年總兵柳同春十一年郡人宋德昇先後重

修

棲雲觀在餘中場元延祐六年建

佑聖院在餘東場明正統中建

大慈閣在石港場東北一里明天順中建

修真觀在金沙場東十里明宏治中建即舊海門縣慶真觀

千佛寺在州東南濠河側明萬厯中建

乃粒庵在州城西明萬厯中建

振秀閣在州東城垣明萬厯中學正褚用章郡人張元芳同建

國朝乾隆十一年知州王師旦修

五福寺在州東濠河側明萬厯中郡人張元芳建舊名文峰禪院有塔五級郡人白文粹建

國朝嘉慶中郡人孫士俊修改今名

塔頂有蝙蝠五大數尺合尖時仍安置其名上故

水月閣在州城南明天啓五年建

法華庵在總鎮署後

國朝順治七年建康熙十五年修兵備道申夢璽記

大悲庵在州城西敵樓康熙中郡人康訓建

三元宮在試院東乾隆二十年知州王繼祖建

文峰閣一在白蒲鎮南道光十年建一在平潮鎮南咸

豐五年建

觀音堂一在州城東北街一在城西一在城南一在馬

家區一在黃堰灣一在永興鄉一在西成鄉一在馮家

園一在金沙場一在石港場一在白蒲鎮

玉皇殿一在州城西南郡人沈春雨建一在石港場

奎光閣在州西南濠河中

三官殿文殊院白衣庵放生庵並在州城南

延壽庵通明宮龍華禪院法輪寺並在州城東

清涼庵鳩柴庵善應庵三明庵崇報禪院世燈庵延壽

閣並在州城西

吉祥庵柏紫庵七佛庵並在州城北

靜業庵在州城北二里僧寶峰建

北極閣準提庵柏子林並在石港場

碧霞行宮古佛庵梅熟庵並在白蒲鎮

泰興縣

水月寺在縣城西郭家莊舊名建安寺梁天監四年建

國朝康熙中僧紀蔭自震澤駐錫於此蔭在吳中

聖祖召赴

行在屢荷

寵錫至是以

御書水月禪心額懸寺中改今名并建

御書廳恭移

御書詩章聯額供奉其中

延祐觀在縣治東南唐永徽五年建宋景德中知縣薛

亨以神驅蝗有靈奏賜額明洪武初設道會司於此嘉

靖十五年修邑人張聽記

廣福寺在縣治東南唐光化二年建有彌勒慈氏文殊大悲普賢釋迦地藏觀音羅漢吉祥十院又名十院寺
明萬曆二十七年知縣陳繼疇修

國朝乾隆四十五年知縣孔繼楨重修

慶雲寺在縣治東南宋咸平二年建明洪武初設僧會司於此萬曆中知縣陳繼疇修太原王樞登記

天甯寺在縣城西南報恩寺一在城東一在城南白蓮庵在城西南修真庵在城西北十里報德庵在城西並宋咸平二年建

福惠寺在黃橋鎮宋天聖四年建

分界寺在縣東分界莊龍慧庵在黃橋鎮並宋慶曆元年建

丁字庵在縣西南王家港宋至和元年建

東方寺在縣南古溪莊宋嘉祐二年建

觀音殿一在印莊宋宣和中建

國朝康熙五十四年修知縣宋生記一在王家港明天順八年建一在焦浦港嘉靖元年建一在城北許家莊一在小過船港

鷺湖寺在季家市鏡水寺在馬店鎮壽勝寺在口岸鎮並宋淳熙中建

伏龍庵在縣西北伏龍橋南方寺在縣南馬橋官沙殿

在縣城西南並宋端平中建

華山殿在王家港元至正元年建常樂寺在縣城西至

正中建後圯明崇正二年重建

瑞相寺在縣城南淨土庵一在縣治西一在城北萬壽

觀在縣治東南嶽巷寺在姜溪河北臺寺在黃楊莊志

寶庵在洋濕港並明洪武中建

覺華禪院在縣城西明永樂中建

國朝順治七年邑人季開生修張恂記

祠山廟在縣西南戴家灣明天順八年建

永鎮庵在馬店鎮西包家橋普濟庵在縣西南算子橋

並明嘉靖中建

碧霞元君廟在縣治北三茅殿放生庵在縣城北菩提

庵在城東藥師庵毘盧庵祇樹庵在城西梵音庵在縣

西十五里大聖庵在印莊華藏庵在縣北薛家珠三官

殿一在城南一在朱家市一在薛家莊並明萬曆中建

辰居庵在縣城北旃檀庵梓潼殿在城南並明天啓中

建

廣惠庵在縣城南八里明崇正一年建

柏貞庵在縣城東北潘家莊極樂庵在縣北丁家莊並

國朝順治中建

寶蓮庵在縣城西準提庵一在縣治北一在縣南朱家

市一在縣西季家山並康熙中建

地藏庵長生庵並在縣治西寶林庵在縣治北
法華庵甘露庵西水庵並在縣城南齋僧庵正覺庵並
在城西

萬緣庵在大楊莊萬善庵在蔣華宇橋法乳庵戒香庵
並在朱家市太平庵祐國庵並在張榜橋竹隱庵在褚
家圩伏虎殿在蓮子蕩茶喜庵在馬店鎮萬壽庵在黃
橋鎮

福城庵一在縣城北邑人王文佐建一在西官塚一在
蔣華宇橋

如皋縣

廣福寺在縣治西北唐貞觀中僧智勲建明洪武二年

僧行寬重修十五年設僧會司於此

定惠寺在縣治東南唐貞觀中建宋天禧中僧因惠重
建明萬曆四十一年僧性乾重修邑人冒襄記

惠民寺在西場國清寺在掘港場並唐元和中建

中禪寺在縣治東北唐大中中僧圓就建

三溪庵在縣西沿海鄉宋元豐中僧如清建

靈威觀在縣治西北宋政和元年建明洪武十五年設
道會司於此正統五年修

國朝康熙五年知縣范承先乾隆十八年道會吳遠馨先
後重修

菖蒲庵在縣西二十里宋紹興五年建

彌陀庵一在雙甸鎮宋紹興中僧復珂建一在縣東六十里明萬曆三十六年僧明通建邑人殷之澤記

圓通庵在縣南江甯鄉明禧寺在縣南闕家河並元皇慶中建

通真道院在丁堰鎮元泰定元年建明洪武七年修

寶慶教寺在江甯鄉南寺在縣西片湖儒興寺在縣東

唐家苴靈應道院在石莊鎮並明洪武中建

菩提禪院在縣東一里明嘉靖中建

伏海禪寺在縣治北明隆慶六年僧德葵德戒建萬曆

四年僧德隨增建三十七年僧元敏重修

國朝乾隆五十年僧甯遠修

海月寺在縣治西北泰山行宮在治北清淨庵在石莊

鎮東林禪院在掘港場並明萬曆中建

舍桴庵在縣治西北明天啓二年僧慧雨建邑人許直

記

大覺禪院在縣南一里明崇正十二年建

國朝順治八年乾隆三十六年先後募修

廣孝寺在西場接引庵在縣北十五里墩並明崇正中

建慧日庵在縣治西

國朝康熙中邑人范大士建惜字庵在城南邑人朱廷宮建

聖護禪寺在馬塘場乾隆二十四年邑人王大溥建

三官殿在縣城東及葛堰河岔河馬塘掘港豐利芹湖
田家園長莊石家甸林梓白蒲車馬湖鶯阮莊李家堡
凡十有五

地藏廟在縣城南及丁堰白蒲掘港豐利雙會山三陳
隸凡七

大聖教寺在縣城西及立發橋石莊掘港豐利馬塘凡
六

茶庵在縣城北及孫公鋪古河頭湯家灣丁堰潘涇凡
六

觀音堂在窑子河芹湖洋莊鄒家園朱家凌賁家莊蔣
家莊李家堡丁堰石家甸雙甸岔河顧家環馬塘豐利

掘港九總南坎北坎長沙唐家苴雙會山郁家凌叢家
壩冒家圩瓦廟港林梓白蒲石莊凡二十有九

法華庵一在縣城南一在鶯阮莊準提庵一在城東一
在城西伍相庵一在泛湖洲一在曹家圩一在馮家莊

一在王家高岸華嚴庵一在大明橋一在丁家所玉皇
殿一在縣治北一在李家堡藥師庵一在黃家市一在

丁家所甘露庵一在縣治北一在丁家所
福城庵優鉢庵近仁庵極樂庵並在縣城南雙林寺在

縣南界河張公殿在大馬橋平頂廟在沙家莊坦然廟
在曹家圩紫竹庵在天生港姜竈庵在縣南五十里法

澗庵在石莊奉先庵曹家庵並在白蒲鎮

太極庵般若庵大悲庵並在縣城東百子堂在冒家橋
文殊庵在邗溝鋪毘盧庵在雙甸進王廟在豐利場止
馬庵在掘港南坎香亭寺在唐家直
萬仙樓在縣城西加力庵在謝家店北寺在芹湖蘭石
廟在李大圩歇心庵在王施陸橋
蓮社庵在縣城北淨土庵在十三里港西蓮庵在黃浦
溪米將軍廟在西場觀音律院在李家堡
甲戌志曰昔人謂二氏以清淨爲本不當廣營寺觀勞
人費財若然則浮屠老子之宮直削之可矣然舊蹟流
傳有未能盡廢者臚而列之何其多也極其所盡而使
之無可增斯亦謹之之義云

軼聞

所見所聞所傳聞擇其言雅馴者備識之其或軼者其
可軼者也顧軼矣而又稍稍聞於世焉卽博綜叢委藉
資談薈毋亦方聞之士所樂聞與

通州

丁丑志宋施昌言官發運使時召范仲淹坐後堂出婢
數人雜男子爲優淹怪之問知皆其子也乃不憚而去
孫公談圃張日用知德清軍大旱民有爭水者用曰今
爲汝借水三寸三日內還汝乃於水中刻表爲記卽詣
一廟爲文具述借水事立廟中以俟卽日大雨人視其
表果及三寸而止

山堂肆考鄭獬在通州
吏引至小池瓮以明玉
生鱗頭角露驚出吏曰
宰輔乃覺病遂瘳後擢
從地起到頭身是玉龍
丁丑志崇甯四年郡南
樓上諦視之雲霧四起
道人指而言曰此洞賓
紫琅詩話呂四場以呂
中夏無蟲蠹冬有異卉
許首尾無端嘗往來於

丁丑志大觀四年知州
射堞是年解發者三
添解十名通遂號為利
甲寅志常州錢濬明其
省母見東嶽廟壯麗
心許重建是夕夢神告
後果守通

丁丑志
明年花盛開乃魏紫也
株掘土深尺許見一石
來種只許人間老眼看

花開者必造花下飲酒為壽間亦有約造花所而花忽萎者多不吉惟李嵩三月八日生自八十看花直至百有九歲而終

丁丑志元時江水一夕忽竭沿江居民爭取沙中遺物凡數日獲利亡算潮至而走有溺死者

丁丑志至正中貢院古碑出於城南東嶽廟稿壤間

丁丑志明洪武初漁人葛原六詣闕獻鱮魚百尾時法嚴眾為之危六曰爾不上食父母耶君猶親也庸何傷抵京太祖大說問曰魚美如何六曰魚素美但臣未進不敢先嘗太祖厚賜之仍還魚一尾其後歲貢九十九尾著為令

顧氏家乘顧祥為諸生時築室州治東與陳復王澤陳昇劉福五人讀書其中建文己卯秋試歸咸期必售懸鼓於門謂守者曰捷音至則按數擊之及報騎至傳鼓者四眾出詰之蓋五人皆雋守者喜四擊而鼓裂也

五山外史叢談錄徐宗應景泰癸酉鄉試夢執黃雀騎錦麒麟上揭榜獲雋上則王爵下則羅麟也又夢列鐘六口身坐其中是科孔鏞江鏞杭鏞費鏞朱鏞同舉於鄉

甲寅志顧濱家畜二雁其一鼓翅去濱鍛其未去者翼三年忽一雁自空下與鍛翼者交頸悲鳴而死驗之乃其雌也

續世說邵棠幼聰穎有神童之目爲詩不假刻畫讀之思致藹然顧不喜唐人詩謂爲花柳之文獨喜說宋人詩辭官歸里日以野衣徜徉山水間卒之夕有二鶴止庭樹半時許鼓翼而西

一經堂詩話黃應元幼時父命稱貸於某家走馬抵家則失之矣急返轡至渡口失物宛在年十三賦茅鍼詩有東郊先脫穎句見賞於時

五山外史叢談錄正德癸酉秋闈郡人聽響卜聞小兒唬聲衆入撫之乃止聽者以爲不祥或以告顧磐磐曰衆顧子安蓋謂我也榜發果然

一經堂筆記馬節友愛兩弟誼甚摯而督過嚴坤束

髮受經至貴顯不敢抗禮成進士時歸謁節履聲聞戶內節不說膝地三日始見之責以舉趾高毋亦有滿假意與部署火坤坐是左遷節勗之曰汝不幸早有時名一舉見收諸所未閱歷此行安知非福

梧岡文集馬坤生時有白鶴降於庭又嘗遇相士謂其伏犀貫額法當大貴其後之官舟覆於泮水者半日若有神物護持之卒鑿其舟而出然則立功名受爵祿始終四十餘年生榮死哀備享諸福之盛天其命之也豈偶然哉

甲寅志黃河爲雲南僉事有孔雀巢於庭刑人罰當罪則雀引喙啄之無罪者則否

兩寮叢譚黃河幼時居城北真武廟側與營署密邇一日自塾歸犯守禦某道頗為所呵河憤甚次日祈籤真武廟卜進取黎明往廟祝何諸門曰子黃姓耶詰之曰夜夢神示兆云詰旦黃御史來速出迎河因留廟中讀書同學者異之以某宅為怪所踞人不敢居邀河往其夜見土地神舞案前且舞且走繞座不休熱極置憤案上河壓以劍天將明神取憤不得露頂去河出偕眾人覓得土地神無憤者焚之怪遂絕赴試揚州某商女遇狐崇河來輒去河去復來因書河名榜女室中狐不敢至商以女歸河

紫琅詩話黃河官雲南舟泊某縣見人紛紛過岸上詢

知有老人一百八十歲是日誕辰歲往稱賀耳河因亦往賀老人見其刺呼家人速治具吾將逝矣取一書示諸客蓋少年時有人為推算終身此其判語也判云壽高三甲子七代五元孫黃河來拜壽速速辦前程海曲拾遺陳堯為諸生時與同里馬坤就天甯寺築會文室於九日上梁有雙鴉各銜一旗插梁上後皆登第里人因於是日飭赤餠粉棗糕上插小綵旗為秋社時食

一經堂筆記陳冠讀書不求仕進終身布衣仲子大壯既貴為冠祝九裘賀客填門州守某踵門請謁冠謝不見往返數四終不一束帶

兩淮鹽法舊志葛山初生時家鑿井得石刻壽甯二字
後官壽甯知縣

漁素閣手鈔袁隨以方伯家居門人任養心爲離使者
按部至通欲奉金爲壽而峻操冷面毫不可干時里中
富室子以重案就繫具千金浼諸郎郎君命捧金立檻
外曰吾翁誰敢以利動只在吾輩掉蘇張之舌耳乃於
侍飲之餘捩腕不已隨問故曰此近來冤枉謂是富室
無有代白之者隨曰吾當代白之但勿使彼知謂吾有
所私也次日與養心辨白獲釋諸郎瓜分千金越許時
其人感謝餽以時物內藏金珠其中隨受鮮桃一器出
以享客及發桃而金珠見呵叱使者將所餉狼藉滿地

客亦擲桃而散

平蠻錄九絲之役陳大壯與督帥劉顯巡視營壘於地
得片石有字隆起細閱之上云若要九絲破星從月裏
過初不解其義偶夜觀天象忽觀一星穿月而去遲數
日果盡殲其醜類

山帶閣集嘉靖戊午吾鄉顧廷對黃承恩范伯榮錢藻
宗傳陳大科顧養謙七人同舉應天鄉試時馬坤長南
戶部倡同鄉官留都者相與張綵幟列騎吹迎於甯陽
侯邸爲重歌鹿鳴以譙樂之蓋盛事云

紫琅詩話嘉靖戊午里人姚遜赴闈其父聽響卜曰今
年姚子登科矣某大喜及報捷者至乃顧養謙陳大科

也一爲顧瑤之子一爲陳堯之子

顧襄愍公年譜養謙初生之夕異香滿室父瑤夢岳少保遺以佩刀晨復有雙雉翔於庭久之乃去母單當娠夢老嫗持一筐中有綠衫兒謂之曰此僧伽大聖所授非凡兒也及生其鼻儼然僧伽大聖也謙有小印曰僧伽鼻謙六歲時母命省舅氏疾將至舅聞二鬼私語曰顧某至奈何一鬼曰盍逃諸甕謙至舅命謙封其甕書名其上崇絕而病愈

一經堂筆記顧養謙撫遼時嘗出行部有豕突入輿下驚竄不去將校駭顧失色欲逮治其主者謙命左右去豕毋問其主名已而謂家人曰豕何知若一逮其主者

將不勝其騷矣

紫琅詩話顧養謙在遼東酋長有得美人魚者烹而獻之謙對使食其兩目曰是魚食之殺人惟兩目無毒使者咋舌蓋習知之以試謙也

賴有編顧養謙一力保李成梁全家朝中親厚者皆爲之危陳大科時官黃門與謙爲密親詒書云年兄深信李氏如此不知何所見恐亦未可全拋一片心也復書云弟豈不愛身家性命但事關家國封疆安危係之若不赤心相保則李氏必危李氏危則遼左敗壞白面書生安知國家之大計哉後閣臣皆以謙故深信李甯遠而甯遠一門盡心報國功名烜赫蓋亦不知水原木

本之自深矣

嚶鳴錄顧養謙託孤寄命有君子風同年御史胡淳以
言事斥爲民賓客多散去獨以意氣相友比歿親視含
歛歲致數十金贍其妻子參議李存文歿偶過其家其
妻出見冬月猶衣葛也惻然罄囊金子之座師子瞿汝
益以諸生望誤窮而來歸俾爲記室贈數千金以遼左
功官鎮撫離商韓樂山家累鉅萬僅與接一杯酒後以
侈敗死無以歛爲治其喪其子光祚初聘張給事女有
悔昏意故索厚幣以難之卒助之成禮祚又不能自存
夫婦鬻於巨室復贖之歸言於揚州游擊隸之麾下乃
得自給

兩寮叢譚顧養謙嘗詣一友人所坐久其執蓋者候之
不出遂往酒肆中以蓋質飲比出呼之其人惶懼不敢
見詢得其狀乃以錢付酒家謂執蓋者曰爾欲飲胡不
告我其以蓋質也人謂謙德量與韓魏公不罪燎鬚卒
同

州乘資任曾魯性嗜酒日與友人飲意所不合輒罵坐
而起訓無錫嘗與同寮賀劉封君壽不時出憤然持錦
幃欲去封君急趨出謝不敏乃已歸里閉門手一編舉
白自引滿生平酒人亦多謝不與通終歲不具一衣冠
門以外若隔世袁九皋故人也屢召之始往酒半正色
呼其諸子戒勉之

李氏家乘李貢其先江西新淦人從太祖平吳遂家於
通當從戎時弟兄泣別剖鏡各藏其半以為後世繫族
左駿五傳至貢出守建昌紆道往縣之成村謁宗祠訪
族人彼此果出其鏡相證較若畫一因為詩以紀之

甲戌志凌鵬翼幼孤家貧嘗負米數十里外嚴冬冒雪
耳輪凍凝寸許既籍於庠州故事寒生歲給粟若干或
諷之往答曰豈有凌伯子因人熱者哉

甲寅志嘉靖七年朝鮮人遇風飄至拘於守禦所訊之
乃其國主試官作詩云白浪滔滔上接空布帆十幅不
禁風此身若萍江魚腹萬里孤臣一夢中又云迹跡瀕
海唐王勃事異投江楚屈平二十二年復有飄至呂四

者凡四十餘人內官長二洪彬蘇彥良上下禮頗嚴服
皆左衽三四人共一器而食撻其徒以櫻鞭撫臣以聞
令驛次送還本國

甲寅志倭犯郡時逃避不前者皆見殺而里中惡少多
殺良民以要功有毛守者尤狡鷲一日出戰途遇鄉民
李緯斬之乘夜呼南門納首功不虞鑰入鎖斷守不得
入明發詣州驗功左右見之愕然曰此李緯也何名為
倭其妻錢獲首哭絕在地眾奔入守家家有人首七盪
火熏之欲其似倭也有司聞於撫按正其罪

甲寅志把總徐正得鐵鈔於江中形製不類近時物其
欵識漫漶不可辨一日置舟中颶風巨浪鄰舟顛覆獨

此舟不動眾異之明日置之他舟亦然又明日置之他舟無不然者

州乘資屈希尹知通州性嗜酒靡間朝夕坐堂上及輿中輒欲仆時稱渴睡知州泥骸太守所受訟牒第聽吏胥丁敬李鏗錢科頤指而已故有有李無錢莫進州及丁敬上堂百姓驚惶之謠

州乘資張星令如皋得奧援方遷知吾通假阜隸單楠等以窩訪之權每受牒攝人倚勢索詐視百金爲常通之阜隸擅作威福自星始諸按部者至公署悉幕以緹錦供張之盛昔所未見雖褻器亦以貂緣之嘗迂臺使至白蒲鎮有豕突出星亟口作嘸嘸聲喚之聞者掩口

甲寅志萬曆四十三年新江海神祠議所以龕神像者無良材忽大木浮江抵狼山西岸取而用之頗巨麗凡涉江海者祈禱輒應

甲寅志崇正二年初建軍山寺海上浮大木至長一丈八尺圍一丈二尺以塑三大士像耳目須眉隨手畢具如天成者然

甲寅志天甯寺塔上鐵索相傳漁者於城北濠網得一魚尾帶鐵索取之長不可了以刀斷之鮮血淋漓漁者驚異遂置天甯寺塔頂

兩窳叢譚吾州天甯寺元妙觀諸像皆劉鸞手塑極精妙雖數經修飾終不失神嘗有冷者自揚州來爲天甯

寺鑄鐘鐘成謂寺僧曰俟吾去遠擊之乃可僧漫應之去一炊許僧擊鐘冷者方至運河口聞鐘聲急返曰不聽吾言此鐘祇遠聞十七八里也

五山小史范鳳翼居鄉時力除里中諸秕政如征倭軍餉江北四府增四萬餘金倭除十餘年而餉不除請於漕督劉士忠始得蠲征奸商規利欲令鄉三老歲計丁口買鹽代納萬金知州福文明惑於指使復上書鹽道袁世振責其非法文明者時相方從哲門客也入覲求援方度不可奪遂寢其事瀕江沙土坍漲不恆議者欲按現在之沙科以重科爲言於蘆政金星洋等報罷縉紳優免或有芘一族兼爲親友影射者里民增賦日煩

通故僻處商稅不裕有力者坐享其利課日侵削乃屬兵備熊尚文並酌刊之垂爲定則通七鄉鄉有大小差徭輕重錯出里老創爲綱甲狃於積勢久而不成自於知州唐虞泰毅然爲之此數事殆與世宗朝鄉先達錢嘯之奏裁養馬同一造福於桑梓也

甲寅志包壯行少時夢謁一戎帥問爲誰曰我癸未進士也萬曆乙卯舉於鄉買宅城西南隅宅中有馬坤癸未進士額心默識之九上春官不第果於崇正癸未成進士

甲戌志包氏僕入山取石途遇營卒筐負大魚忽作聲彷彿言曰我龍也毋食我僕與卒共煮食之次日江湖

湧起二人俱溺漂沒數十家

追暑叢談白正蒙使蜀時途中夢夙世爲峩眉山神小
謫三十六年當復位因自識死期顏其齋曰大夢旋改
爲夢醒果三十六歲而卒

一經堂筆記陳實功精醫冬日路遇一人僵卧雪中呻
吟求醫功憐其寒餓解裘覆之輒若無人焉者揭裘視
但見銀鍼一光耀奪目持以鍼人疾無不應手愈又有
人造門求診診畢功詫曰六脈平和毋乃仙乎其人笑
抹其髯倏不見由是其髯半黑半白嘗乘輿過狼山下
逢勾者攀輿訴饑餒功顧道左有賣元宵者俾飽食之
勾者食至百餘就其旁摘一草示功曰此滄浪草也能

治發背未幾撫軍慕天顏母患發背諸醫束手聞功名
檄郡守趣令渡江比至視其創將不救亟記滄浪草可
治然倉卒不可得卜於乩仙仙降則呂祖也判云前者
狼山道中予以元宵食我至今耿耿欲覓此草抑知滄
浪亭下遇滄浪乎如其言至亭畔果得草石餘療之數
日而瘳

州乘資彭希賢知通州諂事上官鄉紳恣其殘酷治穿
窬盜無分眞僞斷其兩足覆於前嘗謁客有馬濺泥汗
其衣立殺馬更逮馬夫杖之死崇正丁丑六月治牘廳
事見數十人披髮而譟於庭問左右皆不見未幾其妻
與妾相繼死始有畏心蠱疾隨作乃延僧道於寅賓館

誦經祈禳不效時見眾鬼滿前周章惶怖向牀第間叩頭乞哀若受箠楚狀者閱十二晝夜腹迸裂流血水數斗而死初賢履任天大雨三日譙樓傾圮公座下有犬死焉其後豸犬者卽罪之四境犬聲遽絕識者以爲不祥

州乘資吾通得祀於名宦者王素趙槩吳遵路任建中徐勤五人而已萬曆二十八年始祀知州夏邦謨鄭舜臣蓋從舜臣子一麟請也麟官河南參政與知州王之城兄之猷同年貽書乞祀其先子城語諸生及諸耆老咸默不對運判俞堯中有事都中麟復屬焉歸而謀諸所親善者啗以利乃首舉夏邦謨曹金王嘉言諸夢環

而以舜臣終焉白之臺諸使者皆允學道陳懷雲獨否雲旣去始祀舜臣而並以邦謨謨以文章節吏治搏擊豪強江南之援活我民兵千計祀之固宜若舜臣政績載在州志似屬可觀第聞故老傳其臨民判牘之言到今非之此何說也崇正二年又祀王之城無論築城之功足以不朽卽其清介剛正遠非他人所及較之舜臣無間然矣外是則曹金王嘉言諸夢環福文明皆有功德於民亦宜分名宦半席地以昭公道可也崇正六年巡按御史饒京與前知州張星同鄉有師生之誼且與星子邦俊連昏欲祀星名宦俊又遣僕至通潛匿於其所善袁紹登家登嘗爲星立去思碑因藉之營求通士

大夫而張元芳德星拔識於諸生中宦楚時以其孫傲侗爲諸生報之矣至是受其請鼓動諸生耆老謬以去思碑中諛詞爲德政頌之卒無有聲其諂酷而沮之者通尙爲有人乎

州乘資狼五山爲吾通官祿宮不宜鑿嚮者不知取其石以築新城致一時大寮相繼罷斥死亡議者徒諉之巽方低窪乃建文昌玉皇諸祠鎮之猶未悟鑿山之非也取之爲園囿臺沼者繩繩不絕自是風氣寢衰則又建文峯塔三元橋自塔橋成而亂民卽塔中造謀焚劫諸鄉紳矣蓋建塔與橋處非巽方乃卯辰方耳巽爲文峰卯辰爲訟峰以卯辰魁罡地也於書有之辰多好鬪

成多好訟

迦陵文集邵潛生卽聰敏異常兒顧授以經生家言則恚甚不肯讀或授詩賦古文辭則晝夜疾讀不輟間操筆爲之潛雖名家子孫然家實貧又不善治生產婦里中小家子也庸奴其夫日求去婦旣去貧益甚僅僅拾橡判薦以自給性卞急與人語稍牴牾輒謾罵食物多禁忌間會食有非其所素食者叱去不顧也晚年纍數十金貸諸胃脯酒削家息子母錢以餬口或給之卒不償一錢者皋令嘗餽以金一夕爲小偷舐篋去潛與客語輒詬罵不絕云

甲戌志金華總兵馬逢知掠難婦黃氏寵之專房其夫

吳經義烏貢生哀鳴於道適通州馮用將往衢州道經金華人城謁逢勸以黃還經逢留飲命黃出見經泣訴且述子思母之情黃曰妾本無夫此盲認耳經復泣曰吾婦左乳下有紅痣驗之果然黃愈詈用謂經曰我有侍婢姜氏常贈汝佐以五十金爲歸裝謂逢曰此婦淫而忘義留之何爲拔裨將佩刀立斬筵前拂衣出賴有編徐起霖自真定告歸每廢產必去其糧名不記買主姓字曰恐留於後致子孫我價受辱馮氏見聞錄張擢士精卜筮之學預言休咎無不應年八十是歲元日家人賀歲畢從容謂之曰吾於十二日行矣徧召親朋開筵歡笑如平時至期沐浴具衣冠題

詩并書函命寄靈隱寺某僧擲筆而逝

一經堂筆記順治丁酉江南舉子有中蜚語者一榜盡停會試戊戌三月

世祖御

太和殿親加覆試以擺牙喇監之禮部引見

乾清宮聽唱名王兆陞

欽定上上卷第三

世祖欲以前列卷盡

賜及第

諮問之次有以鄉音對者

聖意不懌遂僅

通州直隸州志

卷末

軼聞

五

賜首名武進吳珂鳴殿試而罷己亥四月再行

御覆禮部引見

瀛臺王兆陞

欽定上上卷第五是秋舉行會試凡兩經

御覆前列之士拔居鼎甲者二人餘盡授庶常兆陞獨殿嗣南

宮不獲與臚傳

世祖臨軒再三詢問江南王兆陞在京與否禮部以南回對為
太息者久之乃辛丑以後八上春官卒不一遇何數奇
不偶如是

崇川咫聞錄孫閔達年二十七喪偶終身不娶幼試秦
州有術者相其年僅三十二以諸生終因力持功過格

不不久倦後再至秦州遇前術者訝其陰行善非復向
時寒薄矣既通籍筮仕太原以疾歸囊空如洗去時有
舊絮衣加補綴著之時伯兄閔奎隱於僧尚在吳中達
往省焉有誤傳其棄家遠游者門人魏學誠聞而賦詩
云萬緣空盡況浮名去國身如一葉輕竊意竟從邱壑
老何期遠逐水雲行千巖花雨游蹤杳一片孤心夜月
明獨有門牆塵夢隔他年何處訪先生蓋疑達從赤松
遊也

一經堂筆記陳宏裔之父性豪宕不事生產家遂落幼
時母課之讀篝燈熒然機軋軋相向漏三四下不休有
義媪陳手緝泮泆佐之強幹多材力舂米數十里外肩

負以歸裔既長與同舍生會文日將暝媪恆提燭立簷下目不少瞬同人笑而譁曰陳家女蒼頭來矣

一經堂筆記李玉鉉司臬福建未半載讞獄一千有奇日勤案牘夜則秉燭至漏三下每夜一童子侍奉酒杯雞子二枚乃就寢一日有疑獄未決不暇飲食時童子方齁齁睡見黠鼠銜雞子以去佯訊童子坐竊食不應威之以杖遂應如問既而歎曰筆楚之下何求而不得但以詞聽能保無冤獄耶遂決意乞歸

新齊諧李玉鉉少時好煉筆錄一日筆於空中書曰敬我我助汝功名鉉祀以牲牢嗣是文社之事題下則聽筆之所爲社中能文者每謂所作其筆意大類錢吉士

錢吉士者前朝翰林錢熹也鉉私問筆神答曰是也尤能作擘窠大字題跋欸識不書姓名但書藹藹幽人四字

小倉山房文集李玉鉉官福建按察使受知

世宗入觀

上憫其老問有子偕來否對曰第四子方膺同來問何職且勝官否對曰生員也性慳不宜官

上笑曰未有學養子而後嫁者即召見交河東總督田文鏡以知縣用膺命蘭山忤總督王士俊繫獄乾隆元年士俊得罪召見入都立軍機房丹墀西槐樹下大學士朱軾指示諸王大臣曰此知縣李蘭山也願見者或擠不前

則額手睨曰彼頤而長眼三角芒者是耶侍郎趙國麟
鎡同年也直前握其手曰李貢南有子矣

一經堂筆記李方膺性兀傲不屑事上官故事歲除有
饋歲禮膺以鹽齋二甕上郡守尊與守對弈守故猥屑
人也心甚鄙之及下子多拙行膺起覆局曰如爾死藝
腸肥腦滿豈知吾輩菜根中滋味耶乃索其所饋鹽齋
還之守泣訴監司以他故落職寓居白下借園中丞某
邀游莫愁湖乞其書畫方命侍者研墨畢膺以墨池擲
其面曰白衣山人肯爲汝輩作書畫備耶拂衣而去

甲戌志乾隆己巳城南沈氏兒年六歲爲馬齧死先一
日馬突入沈家適母攜兒他往馬破其飯缶去至是馬

候於道見兒直前殺之蓋宿冤也

兩寮叢譚州城西有阜筴樹大數圍旁有古塚常熟蔣
氏墓也其家歲以仲春渡江來省墓一歲祭畢怱怱南
歸遺其酒壺而去次年至墓所舉頭見壺懸樹間仍故
物也

芸暉閣筆記方汝謙爲高郵珠湖書院山長院故老僧
禪心所建寺也僧涅槃日攀据大樹呼號不止衆徒皆
跪列地下問師何日重得相見曰百年後鐘不擊自鳴
卽我來矣乾隆己卯正月望夜半鐘鳴越八日又鳴二
月三日謙至院衆憶老僧遺言咸以謙爲禪心後身居
高郵三年有詩云此地禪心作化城前身大士後書生

他年講席懸方丈夜半無人鐘自鳴

兩寮叢譚李霞性坦率狀貌駢陋隨父方膺之官凡衣
愚帽不知爲長官子也遇有讌會家人強衣之新衣不
終日肉羹酒汙淋漓其上每赴有司試門未啓逡巡棘
轅外以繩貫炊餅百數掛項下若數珠然且行且噉比
入則已罄矣少有聲鬻序試輒冠曹乾隆乙酉學使者
將以霞充選貢出詩藁示霞霞面斥之曰此學蘇詩而
得其皮傳者應對質直忤學使者意乃不果拔

新齊諧江一麟居呂四場娶妻彭一夕同夢某月日遊
庠彭卽於是日死學使按通場距州百里麟不欲往彭
趣之行比試果獲售越日彭訃至試畢急回彭亡十數

日矣通俗人死後夜設死者衣衾於柩側舉家遠避名
曰回煞麟痛彭之死是夜昇牀柩側以伺至三更彭果
至揭帳呼麟各訴離情鷄鳴始別由此每夜必來積兩
月餘忽泣別曰前緣了矣別十七年再與君續後緣也
麟美少年家豐於財里中願續婚者多不諧呂四故濱
海一日有海舶自山東來者自言士族止生一女願結
婚豪族問其年曰十七矣其生時月日卽彭死之兩月
後也麟欣然訂好旣娶性情喜好宛然一彭也

嶽西草堂文集魏霞舉字夢叟廩膳生年十八客嘉興
方春夜讀書見一女子幅巾長劍屣樓梯而上自稱洪
蘭君素秋其字與君有姊妹緣非人間夫婦也談古今

人物無不瞭然詩才絕麗相與倡酬霞心甚歡顧竊慮
曰得毋妖冶殺人耶初萌念洪已知之解之曰君毋怖
有殺人之洪蘭君乎霞還通州洪與俱來篝燈茗椀盈
盈相對如是者十年屢勸霞學道有句云將軍買劍覓
封侯未得封侯已白頭可歎黑頭人不醒又從市上買
吳鉤霞不悟值元夕踏燈街衢與霞訣曰紅塵攘攘終
無善狀世外別有洞天當與君游若從我今日不從我
亦今日霞以親老子幼爲辭曰俟十五年後家事其清
乃可洪曰十五年後君已老不及事矣遂去初霞有急
洪未嘗不趨在泰興遇仇人將殺之洪自後掣其肘曰
君忘之乎殺人者死流落姑蘇方投江死洪遽止之曰

有親人可遇舊債可收也未幾叔父遠來云昔從爾父
貨錢可往收之果得數十金在逆旅遇暴疾洪授紅丸
吞之而愈後十五年霞暴卒洪所謂不及事者此耶
揚州畫舫錄淮南藏書家以呂四劉氏爲最劉椿齡字
華蔭宗鼎字禹九皆名諸生通州有楊世綸徐智蘇子
楊三家石港有周景昌張瑄二家孫煒文家有王羲之
墨蹟

紫琅詩話胡長齡於乾隆己酉計偕北上舟抵清江賦
詩云將隨北雁去南天蕭瑟關河別夢牽落葉似鴉投
古戍凍雲如墨壓吳船千金買駿從隗始五夜聞雞懼
逃先我欲乘風跨蓬島上方抗手揖羣仙是歲果大魁

天下

靜海鄉

丙申縣志宋太平興國八年漁者嚴午至小港捕魚見三虎入江化爲船往東布洲去數日人來云鹽亭場有三虎往來場卽縣舊址也

澗水燕談熙甯四年高麗遣使修貢將由四明登岸被風飄至新港以狀先來致云望斗極以乘楫初離下國指桃源而迷路誤到仙鄉

通鑑長編宋制大辟獲貨者多配隸登州沙門島通州海門島皆有屯兵使者領護海門島有兩處崇明鎮以居豪強難制者東布洲以居懦弱者皆令煮海納官

丙申縣志宋時有猛獸名貊獏者掠食小兒一方患之村農周某要於田間持鐵鋤格鬪呼鄰人共殺之周亦力盡而死里中立廟祀焉高宗南渡時天已昏黑見廟中出燈火無數空中引導以渡遂勅封王爵賜廟號曰錫允自是祈嗣者輒應

丙申縣志廣惠寺舊傳有三仙遺蹟寺創於唐時宋涪熙中寺僧圖修不果沙彌淮海目不知書聽誦金剛楞嚴諸經入耳輒記嘗言走蜀楚閩越間數日往還賣疏簿募木千餘章莫有信者一日鳴鐘鼓集衆僧至海濱取木果有連排自上流飛下至廟而止又募裝璜金百兩乾沒無遺尾之則飽餐酒肉潦倒肆間歸踞佛頂大

嘔汗穢狼藉眾其逐之淮海逸去視佛像徧體皆黃金
矣寺壁高數丈有自稱能倒砌者自上而下以水刷之
不需灰土不費繩墨頃刻巍然觀者駭曰若爲魯般仙
師乎其人笑而逸尚存三甌未滿隨補隨毀寺又擬壑
十八尊者像工料畢具忽一人入寺願任斯役不取值
日則閉門偃臥夜則聞操作聲凡七晝夜啓門而入見
有十八金身羅漢隨其人冉冉而去殿中色相莊嚴壁
上書劉鸞二字

一經堂詩話明正德丙子鄉試中秋夕崔桐題詩號舍
云戰罷文場筆陣收客邊不覺又中秋月明銀漢三千
里人醉金陵十二樓竹葉色添毫七興桂花香插少年

頭今宵暫赴姮娥約明日蟾宮我獨游果於是科發解
丙申縣志成斐然嘗嬰疾瀕危一羽士至其家出囊中
藥草一莖煎湯飲之立愈頃失其人所在潑草於地香
氣彌月

一經堂筆記丁腹松試禮部不售館於某相國家未幾
丁母憂歸逾年相國奉

命

至揚州松往謁時相國尊寵用事自督撫以下待命舟側不
卽見松至亟登岸迎之諸大僚相顧驚異越日以一函
授松曰有僕安某任六安州可持此書往取千金松受
其書歸而火之曰吾爲相國上賓取金於其僕乎後松
以計偕復至相國家其僕來謁松曰汝卽安某耶頷之

而已相國敗諸嘗通好者或至連坐松前後數年無一言及私故不與其難

一經堂筆記丁腹松與陳世倌爲同年進士未第時訂交逆旅中倌初不能詩松語以唐人義法朝夕倡酬遂工詩松宰扶風時有邊警巨帥某過境索供具不應怒語陝督將劾罷之適倌讞事過縣松出迎執手話舊良久問至縣署路幾何對以二里許倌曰吾輩有公事不能常聚今屏儀衛攜行至署少敘契闊耳陝督以下皆從讌飲逾日而別倌顧謂陝督曰是吾師也由是待之有加禮

一經堂筆記丁腹松致仕時通屬三邑皆就揚州府試

太守某松同年友也延松定其甲乙如皋某生偵知松將往迎至白蒲鎮謁見舟次呈所爲文且贖百金爲贄願受業門下松披閱數首謂之曰汝文洵利進取然今者何以知余至此而昏莫來謁耶生逡巡不敢對松麾之乃袖金而退旣而太守閱生卷欲拔以冠軍松堅持不可抑置第二蓋愛其文而鄙其行也生後成進士爲顯宦而所行終不滿於鄉里云

泰興縣

宋史劉宰令泰興民有租鄰壤牛者租戶竊券而逃他日牛主人征其租則曰牛鬻久矣因訟於官無券可質咸置不問至是愬於宰宰召甸者二人自詭盜牛賣於

租戶家遣役往驗租戶曰吾某氏所租牛也因出券示之相持以來盜牛者服罪又富室亡金釵惟二僕婦在置之有司咸稱寃命各持一蘆曰盜者當長二寸明且視之一自若一短二寸乃服罪

丙申縣志元時常村民牧馬江濱馬與龍交生一駒能行水上渡江不沈尾至地餘數寸民翦去之後遂溺死一經堂詩話明張羽爲河南方伯迎養母李於署值中秋賞桂遺金釵樹下徧尋不得後十八年羽弟聽亦開藩斯士仍迎李之署復值中秋設宴花下李憶前事歎曰吾十八年前曾遺金釵於此今風景猶昔存歿殊途言之悽惻蓋傷羽長逝也小婢戲花間拾桂子有光瑩

然則昔所遺金釵宛然尙在聽因繪合釵圖徵詩紀其事

丙申縣志萬厯中陸琢葺城隍廟時蝙蝠糞汗神像墜者丹粉難施琢禱於神一夕蝠墮地死者以千數

丙申縣志柴墟醫者熊子蔚其母常夢短衣人執刀追殺問是何仇怨短衣人曰汝忘吳越交兵時殺我乎後高傑兵犯柴墟母避兵出鎮東見一人持刀來詫曰夢中短衣人至矣果遇害

廣陵詩事季開生五六歲時見演蘇子卿持節牧羊劇恂悅離席拊几太息曰噫十九年矣座客奇之其後揚聲諫垣於筵前一歎徵之矣

廣陵詩事季振宜所藏宋板書及影宋鈔本書富備甲於天下今

內府所藏岳板五經有季振宜收藏小印

甲戌州志縣學明倫堂中屏舊有魁字大可徑丈爲文天祥書日久至漫人無知者康熙甲申春迅雷震屏壁漫盡脫字形朗然

甲戌州志雍正五年柴墟三茅觀大殿無故自焚有陳道士不知何許人著破衲芒屨來建斯殿居半年殿成道士遂坐化

甲戌州志乾隆初泰興營把總率二軍人檢火藥庫火藥忽燃聲如萬霹靂三人焦爛雜瓦木舞空中良久乃

墜四圍五六十丈內梁柱擊穿牆壁者二十餘家

如皋縣

揚州府志梁茅智勝與許祝蔣吳五人結爲兄弟世亂居揚州好畋獵其地多虎人數罹其害嘗於山谿旁見一老嫗迎歸以母事之一夕獵回不見嫗知爲虎所啖往捕殺之遂無虎患王琳爲吳明徹所殺故吏朱瑒求其尸不得五人密送喪柩達於建業其俠烈忠勇如此五人歿人爲立廟隋追封司徒宋平李全賜廟額曰英顯寶祐中加王號

名臣言行錄宋胡瑗布衣時與孫明復石守道同讀書泰山攻苦食淡終夜不寢一坐十年不歸得家問見上

有平安二字卽投之澗中不復展讀當召對例須先就
閣門習儀瑗曰吾平生所讀書卽事君禮也何以習爲
閣門奏上令就舟次習之瑗固辭上亦不之強人皆謂
山野之人必失儀及登對乃大稱旨上謂左右曰胡瑗
進退周旋舉合古禮判國子監其教育諸生有法語諸
生食飽未可據案或久坐皆於氣血有傷當習射投壺
游息焉是亦食不語寢不言之遺意也瑗治家甚嚴尤
謹內外之分兒婦雖父母在非節朔不許歸甯有遺訓
嫁女必須勝吾家者娶婦必須不若吾家者或問其故
曰嫁女勝吾家則女之事人必欽必戒娶婦不若吾家
則婦之事舅姑必執婦道

宋稗類鈔王觀恃才放誕陸子履慎默於事無所可否
觀嘗以方直少之然二人極相善觀嘗寢疾履往候之
觀裹帽坐複帳中履笑曰體中小不佳何至是所謂王
三惜命也觀厲聲曰何如陸四括囊聞者莫不大笑

淮安府志元天德中興化知縣詹士龍修築范隄興工
時獲一方石鐫逢詹再修四大字又刻景祐二年八月
仲淹記九字龍於是決志修之卒底成功

大觀樓漫錄明何瑋負性狷介致仕日從蒼頭二人負
行李騎馬出城而去士大夫追而送之已不及矣

甲戌州志許鳳年七十購木蕪湖爲周身之具得一木
殊美命工解之中一大鳳字宛然鐫成

甲戌州志圓通庵後有松楊一株古色蒼然二三百年物也嘉靖中僧謀伐而鬻之許鳳有田與庵接壤夜夢一神人乞援晨之田間則有操斤鬻樹者因憶昨夢以五金買之樹至今無恙

戊辰縣志嘉靖甲寅閏月豐利場後有羣蝦共擁一魚乘潮抵岸蝦鬚戟立若排檣潮退蝦去惟魚獨存長三十餘丈高三丈人爭取其肉魚聲如牛吼氣所噴薄水悉成窪經三四日乃絕土人取其骨爲橋相傳每閏年必有一魚然未有若此之大者

甲戌州志嘉靖戊午縣治前忽發一泉味甘冽人爭汲之凡半月而竭俗謂之海眼翻或曰醴泉也時典史麻中掘井得雙鯉其一尾曲如鉤人疑龍子是秋錢藻宗傳二人聯第說者以爲先徵

江南通志盧守常倅陳州畜二鶴甚馴一創死一哀鳴不食常勉飼之乃食一旦鳴繞常側常曰爾欲去耶果去不爾羈也鶴振翮雲際迴翔數四而去後三年歸卧黃蒲溪上晚秋蕭索曳杖林間忽一鶴盤空鳴聲悽斷常仰祝曰若非我陳州侶耶果爾卽當下鶴竟下牽衣旋舞不釋常撫泣曰我老無嗣爾幸留者當如孤山逋老共此殘年遂引之歸爲寫溪塘泣鶴圖常歿鶴亦不食死家人瘞之墓旁

戊辰縣志萬厯二年江湖暴溢死者甚衆先是海濱黃

沙中有物如驢皮色紅紫尾鬣皆赤隨潮而至著淺水中衆擊之乃海馬也又有狗小而黑其行疾善嚙人剖其腹得四小狗識者知爲水兆又鮮魚莊巨浸中浮一鱸長數丈萍藻蒙翳見者以爲大木羣觸之鱸翹首天矯而逝水爲涌立

戊辰縣志豐利場劉勤家生子不舉瘞之牀下以甄覆之數年甄突起寸許啓而視之所瘞兒長幾二尺領有白鬚方驚駭問旋風起室中人不相覩遂失所在

甲戌州志芹湖有阜筴樹相傳朱顯忠挂劍樹也萬厯中有朱希周者嘗爲古田典史欲伐此樹作馬阜云能令馬不瘡甫施斤血出樹間竟伐之三日暴死

甲戌州志萬厯十三年縣東長沙有土人掘溝深八九尺見有輒砌甬路得銅礮一具可受藥斗許試之海船聲極宏遠又得銅盔一其大如笠

嚶鳴錄余大美爲諸生時與何仲奇爲文字交奇舉一子美語奇曰弟婦今且彌月倘得雌願字君嗣奇以爲戲也唯唯而已未幾美舉於鄉果生一女奇固無委禽意尋亦殂喪美自都門歸聞奇歿撫柩慟哭曰吾嘗與君約爲昏姻而子乃吾婿也後事吾當經紀家人駭愕曰若戲語耳那得戲與人女矧彼又貧甚美堅不聽延師訓其子竟以女歸之

戊辰縣志天啓三年諸生馬儒龍家畜一雌鴨病欲死

剖之腹有小鴨頭足羽翅悉具

勸善錄言起宗增註感應篇念好色損德尤甚備列報應特加詳焉時助宗傳寫者宗友羅憲嶽也後八年嶽夢見道裝如仙流者三人一老翁二少年老者出一冊左顧曰讀來左立者朗誦良久聽之卽宗所增註也讀竟老者曰該中旋顧右者曰爾誦一詩詠曰貧將折桂廣寒宮那信三千色是空看破世間迷眼相榜花一到滿城紅詠畢老者笑而去嶽覺備述夢事遺書宗子襄曰尊甫捷南宮無疑矣但榜花二字難解當是誤聽耳榜發宗果捷越日宗於友人齋頭偶閱類書見榜花二字知唐人以榜姓希少者爲榜花而宗姓實應之

庚午縣志許直知惠來舟行入境見一稻秀河中異之拔視乃出一尸鼻孔中卽尅期捕何道秀竟得之吐情實寘之法惠來大旱直深自咎責閉城隍廟與神約三日不雨焚其廟夜夢神告曰已得請於帝當先雨洋後乃雨雨直以語人不信越日果符其言

甲戌州志丁堰有婁生者以增弋爲業一日捕得隻雁閉籠中其雌盤空叫號甚苦久之自投而下雄自籠伸脰就之交結死婁哀而瘞諸叢薄間遂破置斷繳改業終其身

甲戌州志朱某居宣化門性好獵以韝鷹縶犬爲樂年六十餘右手指生一黑子如目睛癢不可忍凡三年創

發墮指死

有懷堂集故明熹廟時璫禍大作黃門北寺之獄興諸賢相繼逮繫答掠死六君子其最著也而國是淆於上清議激於下名流俊彥高自題目如所謂顧厨俊及者當是時四公子之名藉甚四公子者桐城方以智陽羨陳貞慧歸德侯方域與冒襄也襄少年負盛氣才特高尤能傾動人嘗置酒桃葉渡以會六君子諸孤一時名士咸在酒酣以往輒狂以悲共詈阮大鍼鍼故奄黨也時金陵歌舞諸部甲天下而鍼歌者爲冠歌詞皆出其主人鍼欲自結會襄宴客鍼令歌者來襄與客令之歌且罵且稱善鍼聞益恨甲申興黨獄貞慧捕得幾死襄

賴誠意伯塵免

戊辰縣志順治十六年郡邑檄修戰艦鳩工庀材往來如織馬塘劉氏銀杏樹大十數圍運至揚州工剖之中得大士像二慈容天然不假雕飾一置廣慧寺一留揚州

戊辰縣志掘港有烈燕池在城隍廟東順治中王氏女在室見一燕被創仆地女取視折一足一翼纏以赤絨朝夕哺飼數日始去明年來集梁間呢喃顧盼似有所覓其母見赤絨猶繫知爲故燕含涕語曰爾燕來乎吾女已死半月矣燕哀鳴不已踰時母出汲見燕僮浮池水上義而瘞之

雨寮叢譚史鳴皋知象山嘗決一囚既歸里夜夢厲鬼持首索命凡數夕皋詰其姓名始悟曰是獄前令所定讞也吾奉文處決耳果寃非吾過也鬼長嗥而去翼駟稗編王某年四旬妻瞽而病無子女購一婢年十四矣擬俟長而納焉其友張踵門致賀索觀新寵某笑曰婢耳非妾也卽令出拜張諦視形色沮喪曰此吾族叔某之女也胡至此某亦與其叔有舊駭曰僕實不知果爾當撫爲女遂爲父女年十七字富室子親送畢姻留婚家旬餘始返入門見妻坐堂上覩某至笑而迎曰君去後有鄰媪伴我爲我撫摩諸痛苦若失昨夜以二雞子啖我晨起則兩目能覩物矣方欲叩謝門未啓而其

人已杳某喜出非望逾年連生二子甫冠同游庠

通州直隸州志

訂譌

前志繪圖無說橫縱寬窄不以里計讀者茫然四境新舊圖俱承甲寅志文峰塔誤文昌樓江場餘東等場蔽以范隄有增築處曰新隄誤稱興仁鎮鎮距州治十五里海門三遷時呼其地爲新地非餘東外之新隄也疆域志星野今之六安臨淮郡句本漢書誤稱舊志云六安誤六合如皋在唐曰場沿革表概稱縣山川志山高若干丈周迴若干丈具詳十六洞天山人筆談誤指狼山高五十三丈劔山高二十有九軍山高過劔山六丈馬鞍高十有七丈皆漫不加考都穆游北固山記甘露

寺榜曰天下第一江山宋延陵吳琚書蓋梁武帝舊嘗書此不存琚補之也第一山三字摹琚書非米芾題錢御史三辰軒記並誤金公祠註稱祀總兵金宏聲營秩官無此名疑卽金世榮河渠港汭信筆記叙不甚詳晰林雲程開河後包糧芳治河九年誤書林在包前文武橋郡人王覺壽建當在洪武時誤宋淳熙八年建置志按語多複見藝文各記中呂四場鶴城餘東場鳳城脫載海門縣城嘉靖二十三年知縣劉燭創造亦脫如臬知縣陳雍誤陶雍陰陽學醫學居址可考誤空三字永樂二十一年知縣甘從修修縣署少一修字田賦志永樂時州戶口明載丁丑志脫去萬曆時州田逾故額八

千二百八十三頃有奇明用張居正議計臣以增田爲功天下增額無算非通田日闢亦非大小畝之別也角斜拼茶不在通之境內鹽課不必攬入秩官亦從刪學校志州建

先聖廟肇於有宋止載建學漏載建廟廟左學右不得統稱儒學各按語與藝文記中複先賢姓名漆雕子徒父脫父字公良公肩奚容步叔皆複姓誤公子名良孺公子名肩定奚子名容藏步子名叔乘殊可哂也邾子巽字子欽誤子欽泰與紺寒池與學制不相涉山川中已兩見合學校其三見矣今載山川陳設圖與會典不符並刪禮儀志祠祀志甲寅經制志中二目耳禮儀不滿千

字標爲一卷新任從玉帶橋掌印巷進州公座阜隸排衙吏房呈押等語失之俚俗祠祀州城南

神祇壇明知州熊春建誤稱知縣篇中如城隍誕辰會最盛惟東街一處致祭語尤不支秩官志統轄官非駐通者何可勝紀孫承祐吳越時平江節度使靜海當是遙領團練使陳文顯防禦使張蘊統制王進制置使王喚節度使張俊李寶皆非駐通之官茶鹽司幹辦官更不得稱統轄姚兕爲鄜延總管真拜通州團練使卒於鄜延通州乃四川之達州劉光世駐楚州均與通無涉胡旦以團練使言事貶通州非通有團練副使官也侯仁矩今入刺史表卜顏不花今入達嚕噶齊表舊稱達魯花

赤遵

欽定歷代職官表更正司理司戶知事等官幕職耳概稱統轄官大非程世昌海門學記自稱官崇明不必闌入明海防道既稱設署秦州張景賢以下牽入何說副總兵沈思學誤思孝鄭允昌誤昌陳林梅誤林每萬邦孚周文耀金世榮姚儀陳昌編年皆誤訓導之名見於前明輟耕錄載元錢伯全爲訓導而元史百官志無明文或其疏漏宋以前則無此稱府州軍監之以知名者自宋始五代仍唐制當稱刺史不得稱知州州秩官後周邊珣誤翊宋趙積誤積丁度通判誤列知州崔公度紹聖進士官通在哲宗朝誤編神宗年下邵宏淵定山之捷與

崔邦弼事絕不聯屬誤註其下元季世衡直學失年誤
編至正元年袁浩譙樓記稱同知州事亦馬公與判官
張處恭公文氣一例是亦馬姓名也明邊外歸附者置
亦馬忽山衛又亦馬刺衛如也先忽都帖木兒之類元
人習用番語也誤去亦字增公字轉稱失名馬毅並誤
增公字明江旻黨孝暹判官誤同知申田學正誤吏目
吳度寅誤寅度王鏞誤鋪張軌誤鄭舜臣誤舜仁徐
子紳誤子神王芮誤曷董發惟誤發性吳崇壽誤從壽
永樂中吏目脫唐珪訓導脫葉文樊坪萬麻中判官脫
錢廷璟吏目脫歐陽遵

國初吏目杭繼恩誤列州判張起載誤超載靜海秩官宋
梁惟甯與知州王隨同時官通在乾興中誤編天聖蔡
建中狼山題名在嘉祐時當以嘉祐編年縣以洪武九
年省人州稱元時廢革誤海門秩官宋脫至和元脫至
正等年號達嚙噶齊脫也先不花教諭脫潘文質錢允
誤劉允海志並誤劉允敏明范查林誤宣林侯志甯誤
士甯李樸誤璞劉潛誤璿歐陽杲誤果袁鳳翔誤裘鳳
翔鍾元高誤錢元高黃在美誤王在美俞楷誤余楷曹
鈇誤鐵葛宏總誤葛總章自立誤自邸訓導脫陳擘
國朝涂守實誤淦守實泰興秩官宋縣令載七十四人稱
七十三人誤開禧後復稱嘉泰誤李全寇揚州在紹定
三年明年全死六年無李全事宋史王爚傳紹定五年

差知滁州知泰當在三年元順帝復號至元在至正前
無三十一年至元三十一年當係世祖朝明許允中誤
允忠安邦誤康蘭清誤卿杜景翠誤謹翠倪珣誤珣傳
箕孺誤箕儒祀敬正統中修學宮載學校志列天順時
何故羅賢宏治十四年任誤編成化末黃連傳載劉七
棲狼山事在正德七年安得編人嘉靖劉敦寇文禧楊
琦彭源編年皆誤數並誤教源並誤源清

國朝康熙中縣丞脫張璟陳棐誤裴荆子邁誤子遇劉靳
誤靳如皋秩官元至順誤列至正後陳肇衡是尉非典
史明陳瑄誤宣訓導脫熊鳳儀

國朝知縣脫王緯訓導脫徐樾王簿脫謝霖巡檢脫修國

紳朱德升趙允原誤允源張朝鑒誤朝選鹽秩官金沙
場脫陳汝性侯士淳誤士浮寶光碧誤先碧張天裕誤
德裕所秩官明神宗既復建文年號不必稱洪武三十
五年達廣附軍籍未歷何職不得與守禦各官並列領
運千總不駐通州不得載營秩官金聲聞雍正十三年
任誤編乾隆十三年李大倫保定人誤通州掘港守備
脫馬如虎賀宏勳誤宏遠簡正誤林正省志並誤宦蹟
志統轄官張蘊李寶熊尙文王象晉袁繼咸等傳無專
涉通州事可刪守令宋湜官至給事中樞密副使贈吏
部侍郎再贈刑部尙書非官至吏侍也吳遵路宋史及
宏簡錄俱云知常州事與志傳全同惟康濟譜作知通

州姑從之遵路官至陝西都轉運使非龍圖也范致虛
係蔡京黨靖康中與僧宗印合兵敗武關其人不足取
且在通絕無宦績可刪劉宗儒傳多一縉字字書無此
字李正芳字龍曉誤能曉張次元官靜海安得列傳海
門蕭緒南安人誤萬安汪有執南海人誤東明劉宰宏
簡錄載宰嘗召試不肯自占不係偽學不讀周程等書
故不得與非以此貶秩泰興也蔡暹傳築堰丈數入山
川志水利治績今各傳中一切修城濬河繕學葺廡築
隄造廂等事分見疆域山川建置學校各志故略而勿
詳陳棐傳稱字淖水淖係光州會淮之水棐或墨蹟自
題淖水陳棐非其字也許元在臬無殊績傳可刪胡令

儀臬志載謹言隄不可成謹衆譁言也乃誤爲陳瓘言
安有隔百數十年而相與抗論者乎通判蕭盛誤編鄭
文穆前州學官有學正傳目祇稱教諭訓導誤王瓌許
梧何緯趙極仁張維楊文楨俱明人誤入

國朝馬玉傳載以店租銀兩存學內令僧守之語甚鄙俗
宦績志有傳而表中不註有傳者通州也先帖木兒泰
興呂秉直蔡暹舒曰敬如臬黎堯勳張大心胡岳齡王
之進表中註有傳而傳中無其人者通州邊珣楊思復
喬祺陳鴻海門虞振劉棐泰興潘鎮原秉衷如臬錢繩
史搢周鼎向翀詹仕顯閻士奇周承恩王珍錫李丹衷
蔣依錦泰興朱景註有傳傳乃在人物志張次山傳又

與人物志複表中通州左輔兩見一正統初註大同人一正德十年註枝江人泰興李衡兩見一洪武七年註由貢生一宣德元年註由監生隆慶朝通州同時一訓導高出一吏目高出倫未知孰誤楊伯苟苟字疑苟字芮字之誤未有證據姑仍其舊年號之誤者宋政和誤致和紹熙誤紹甯地名之誤者浮梁誤游梁山陰誤山廡商邱誤高邱平度誤平康長山誤長江吉水誤吉成其有明知其誤而無從指正者元馬毅許商人李天祿吳陵人明鄭如蘭平昌人山東德平漢名平昌廣東文昌唐名平昌浙江遂昌三國名平昌明地理志無平昌史溲安國人范士偉曲州人石澧澄安人劉溥修至

人李潔利澤人李炎澠水人書無澠字惟澠水在山西靈邱縣然亦無此地名劉珂龍武衛人明衛所有龍虎衛英武衛無龍武衛

國朝陳元魁錦山人有註新安人者未知北直新安河南新安有註京衛人者未知南京衛北京衛有註湖廣人者未知湖南湖北概從闕如軍政志元至元十二年造白鷓海船百艘下江陰上海崇明等縣無通州事至正七年沿江盜起宋文瓚上言戍將非人等語前後兩見張士誠以白駒場丁起兵緣由可弗載今止載涉通州事明永樂十七年倭寇金州衛遼東總兵官劉江大敗之於望海埭即櫻桃園之捷也乃遼東事宣德間倭連

破台州桃渚甯波大嵩乃浙江事皆與通無涉劉江並
誤劉榮寘軍器設營汎裁撥武弁等事全鈔公牘編次
多失序選舉志進士宋紹興間脫通州李鼎明周岱係
泰與籍誤列通州表中姚涑榜誤姚徠金牲榜誤金牲
舉人通州孫純誤繩成化十六年鄉榜有盛端無邵棠
棠在十九年保嶽莘縣知縣誤華縣泰興孫正辰蔣居
仁皆元時尹誤稱知縣

國朝張玠誤棗如皋宋王觀王觀初名當是懋愿丁寶臣
王載墓誌銘可考非另有懋愿其人也萬厯四十年王
煌第十七名舉人縣志並脫貢生通州周旭嵩縣主簿
明降嵩州爲縣無嵩山縣朱芾誤芾孫竄誤才鼎張愚

南和知縣誤南河劉寬沔縣知縣誤沔池趙元泰順知
縣誤泰和葛山壽甯知縣誤甯壽海門李尙質泌陽縣
丞脫陽字江旻崇慶吏目誤隆慶姜源字宗本誤作二
人陸璣誤英宋鏗誤燧崔天與脫天字彭取象撫州府
教授脫去泰興王溥洛陽縣丞誤王簿丁仁美麻哈州
吏目州屬貴州非雲南李洗誤洗戴宗禮誤從禮

國朝康熙間歲貢戴儒以下蔡夢楨以上人數溢於貢額
疑有廩增附貢攬入縣志亦無考可考者張玉駒朱杜
蘅張鳳枝陸應期朱慧曉陸彭齡封端仕張龍光陸允
鎮等皆係援例非歲貢如皋陳巖未仕誤以陳詵註註
其下仇應麒誤應麟冒時雨脫註魯王府長史武進士

武舉海門王三重成東陽毛九采崔奚先彭兆辰並誤
列通州泰興張仁元萬麻三十一年武舉曹正崇正三
年武舉明載府志皆脫去如皋石柱係鎮江軍副都指
揮使宋時無衛亦無指揮同知官名武略馮嘉以下官
職俱非明制當是

國初人狼山無後營係廬州營之譌應例通州脫曹博邢
賢保樟顧希夔朱桐黃茂等海門脫潘表錢九叙朱家
賓脫賓字如皋冒士振萬麻天啓間兩見封廕陳永安
以子敏監察御史贈奉政大夫明監察御史初秩正九
品後進正七祇贈文林郎不得至奉政沈士進沈應魁
泰興人誤列通州程道明直隸人官狼山右營遊擊後

升惠州營副將其曾祖祖父封贈何必載人物志名賢
吳及天聖中進士誤慶厯丙戌侯官誤侯官繼嗣誤嗣
繼興國誤典國崔敦詩紹興庚辰進士紹興無辛丑韓
彥古世忠四子尚書乃長子彥直姚繼巖與張衍瑞諫
南巡受杖嘉靖初諫大禮創發卒非廷杖不數日而死
也甲寅志作久之竟死尙合讓文選郎非讓太常卿甲
寅志並誤馬坤傳鈔錄陳司寇誌銘屯牧誤之牧錢牒
論中脫丁丑志論之曰等字下讀是論者尙無根黃河
初授滕縣教諭脫諭字篤於孝友句甲寅志屬河父應
元說陳大科隆慶辛未進士誤辛巳李獻可等十一人
誤十八人崔桐傳保靖誤保靜朱景教諭誤訓導何棊

通州直隸州志 言談
傳既別見而引王穉登總論於張羽何棠之後張聽之前何解范育傳數百人詣縣門等語似鈔錄請祀鄉賢公呈殊失志體宦績張日用妻鄭獬事與獬傳複擒王則功未標出印應飛援鄂圍未解解圍乃賈似道請和非應飛功開慶初當稱蒙古不稱元明洪武二年釋奠先師每歲著爲令十五年五月詣監釋菜時祭酒吳容無李敬請事凌相自廣東遷山東再轉遼東增牧修城皆在遼任太僕卿苑馬卿係相兼遙領之銜潮惠二州名誤會潮顧汚遷授鄖陽教如靈寶甲寅志鄖陽斷句誤稱鄖陽教邵騰大興縣丞誤泰興顧謹載兄死無後以己子立之顧氏家乘無此事甲寅志亦祇云爲兄立

後並無立己子之說凌東京涿州判官涿無丞昭平析富川平樂二縣地無始安黃啓明河從孫非孫也吳曉無宦績可紀今編入義行張元芳提學黃漢武德長永六郡丞誤承錢鐸傳官軍誤官車李夢周傳常市誤賞市子庭桂未嘗居官李左園海志文氣自別甲寅志並誤桂又誤柱李儼初授通贊官後仕明傳文倒叙王俊義宋史宏簡錄省志皆不作又傳中講席誤講習諸生誤諸王殷嘒傳載調護興化二卒事甚細且與宦績何關刺刺六七行今刪去旨守愚傳縣介瀛鄭間鄭卽今任邱誤作鄭忠節羅恩傳利和誤利河殷尙聲傳郝永忠誤成忠保薦明烈士當入明猶之陶潛繫晉也不得

國朝李之椿天啟壬戌進士萬厯無壬戌孝友王錦正德
歲貢誤正統孫元宗順治諸生當人

國朝李蒙雅字我彭誤書字不書名蔡夢祥傳載裕宗朝
表其門元無裕宗裕宗世祖太子真金所追諡也祥父
濟至正十四年為本縣尹去真金時已七十年當從省
志作天啟年旌張丕揚歲貢非進士丙辰進士乃其父
茂枝義行凌楫孫鵬翼誤稱子李安上第安稷誤稱兄
崔鑛明人誤稱宋夏裔子忠誤稱姪潘詩杜父蘅弟詩
俊皆州學廩生不得入海門李培年渡江公幹語太俗
文苑劉之勃明載順治辛卯以葩經魁南國何以列前

明陳世祥崇正舉人誤康熙陳世景父女杰宏裔從叔
也誤父宏裔李進璋字人瓌誤仁珣隱逸李潛昭父無
遇難事半萬樓史要誤半萬稿史妄寓賢李綱誤綱鄭
獬安陸人誤六安金敞在皋無事可刪補遺中載彭大
翼前文苑有傳何解王熊事已見許元博傳中傳稱失
其名又何也列女志通州孫孟昕繼妻尹氏脫孟字繼
字陳綱妻鄭氏誤鄧氏顧廉凌昃盛業邢衢凌枋陳策
皆明諸生脫凌飛鸞誤飛鸞選舉志並誤周宗頤誤宗
彝丁嘉相誤家相田永源誤永元王僑若誤喬若張篤
學誤學行錢之璜誤志珍保知已繼妻張氏脫繼字知
已字蘭友李馨字九蘭李應第字抱元馮翥字九皋保

通州志 卷之五 言談
文達字雲客皆誤書字不書名白維號箕蹤黃世祿字
受百白嶽號五宗書箕宗售伯吾宗尤誤保元傳繼妻
陳氏袁洋繼妻程氏凌振聲繼妻朱氏皆脫繼字李漢
繼妻邵氏脫繼字並誤書其字漢章季士駿脫舉人王
維禧季炤李光斗楊度皆脫生員錢玉瓚字中黃名字
互見王宏業妻陸氏王俶妻吳氏李景妻顧氏皆複見
宏業脫宏字王奇進妻徐氏子京兆妻吳氏複書徐氏
王京兆妻大謬劉綺妻王氏誤何氏沙鍾璪妻許氏顧
彥芳妻王氏宗宏祚妻黃氏均見如皋複列通州陳瀚
妻鄭氏誤列如皋海門梁棟妻崔氏子仁誤方仁贈遊
擊吳兆唐誤書諸生陳心聖崔瑄脫生員姚茂宗誤書

其字則虞王士元誤書其號兼山崔伯玉妻李氏兩見
張人經聘妻周氏互見如皋周貞女誤書周氏周貞之
女泰興朱之瑜妻封氏誤孫氏之瑜並複書之瑞吉肇
敏誤肇名劉宏道誤名高張鳳枝妾周氏複書妻周氏
陳宏達妻萬氏複書陳孚修妻萬氏劉應雷妻李氏朱
喬雲妻張氏皆複見如皋冒起年妻丁氏誤鄒氏徐正
誼妻周氏複書周氏徐大思母大字又文字之誤羅聯
生妻趙氏其長孫武述妻孫氏誤以長孫爲姓另行標
起何不省若是任其勦誤其相沈碩然誤顧然顧其上
字贊臺朱幟字赤符陳以德字君政吳爾連字殷宗叢
芳霖字玉潤皆誤以字爲名石之鼎伯儒石之冕季儒

名字互見鄧士英妾王氏陳氏方欽妾劉氏冒妻妾姜氏皆兩見一皆誤作妻表並誤表冒夢相妻李氏汪起凡妻程氏吳方啓妻叢氏張公詹妻陳氏奈瑞鯨妻冒氏薛元蘊妻沈氏劉愈烈妻胡氏吳茂生妻沐氏史允頁妻徐氏亦俱復今又參考鹽法志崇川咫聞錄海曲拾遺等書及節孝祠扁額木主有夫名錯見而實係一人者如通州趙寅谷卽趙景瑤趙貫卽趙恕傳錢師顯卽錢集儒錢宗醇卽錢韻和孫有慶卽孫守仁孫蔭卽孫叔卿孫彙祐卽孫篤周李雲鶴卽李九皋王智卽王見微王寬卽王納川沈嶠卽沈晴江張天午卽張思中張蕙卽張集葵馮惟先卽馮蟾桂陳焯卽陳鳳佐曹文

彪卽曹建章曹九齡卽曹松年曹長庚卽曹西友曹士傑卽曹萬日曹成驊卽曹喻之曹子福卽曹疇五陶昌言卽陶治馨謝宗裕卽謝晉孚湯乾卽湯肇隆葛洪嗣卽葛純儒葛祥增卽葛學元凌天瑞卽凌應表范煜曾卽范霞村范宗尹卽范景伊袁松卽袁蒼秀馬承灼卽馬華炳費瑚卽費鼎儒徐煒卽徐漢清邱雍卽邱簡夫劉鵬程卽劉雲里白敦素卽白受采保敷卽保道臣海門張仲辛卽張仲光陳純耀卽陳廷璋成璧齡卽成筆靈崔詩卽崔駟思泰興趙德盛卽趙德生趙佑齡卽趙右臨周明玉卽周鳳階陳若鑣卽陳治方陳若錯卽陳漢功陳執符卽陳掌珠張金鵬卽張金朋于允中卽于

永宗符丹詔卽符瑄符德一卽符尊三如皋趙英卽趙秀成吳義合卽吳明良吳星極卽吳立中范鼇卽范連六薛瑞卽薛載萬薛爲鏞卽薛序東胡維煥卽胡雲章管養堅卽管貞之呂孚先卽呂印若姜履基卽姜禮門姜世治卽姜職九悉爲正定其在疑似之間無可查詢者通州湯靜遠妻陳氏疑卽湯永甯妻陳氏王永安妻俞氏疑卽王永安妻余氏保承妻張氏保欽承妻張氏疑卽保欽迎妻張氏朱旭德妻劉氏疑卽如皋朱菴德妻劉氏海門王士素妾失氏姓疑卽王士元妻曹氏彭幹成妻季氏疑卽彭幹臣妻高氏姑兩存焉以俟知者風士志習俗陳忠肅任忠敏之所嘗居王文惠趙康靖


之所嘗治等語見宋王應鳳通州貢院記非甲寅志論也且與藝文復今採前說數條入疆域志風氣冠昏喪祭歲時雜禮入儀典志敦俗物產附田賦煎鹽曬鹽具詳鹽法無庸再述古蹟志脫漏甚夥如樵珊浦賣魚灣皆未之書也如皋萬花園稱元淮南王世子築元史世祖子脫歡封鎮南王駐鄂州後移鎮揚州再傳至帖木兒不花封淮王鎮淮西前後無淮南王封號也寺觀天甯禪寺叙天順中募修印應雷改今名時代倒置黃甯記誤王甯豐利寺宋隆興中建誤明隆慶祠山廟誤祠王鷺阮莊誤鷺玩藝文志王應鳳州學記官於斯者句誤客授於斯焦續後狼山勇士碑記時續後爲狼山把

通州直隸州志 言談
總非遊擊也包壯行游軍山記誤書范遇作陳錠便民
倉記南有觀改諸已乎句誤增政字陳大科白文平傳
騾馬誤課馬夏竦登狼山觀海末二句季鷹死後無歸
客江上鱸魚不直錢乃誤合姚闢登山句韻非一韻亦
奇陳魁文獅子石誤書喜越作王伉紫石巖誤書王思
任作邵潛登狼山望海誤書邵旻作湯有光月夜登軍
山誤稱煉丹臺作雜志孫幼登吳照傳皆已見文苑中
者凌楫凌鵬翼傳皆已見義行中者歧出錯出不一而
足略舉其舛午尤甚者考訂於右

右志十有二爲卷者十有六冠其首者圖也雜紀一卷
贅之簡尾凡弁以序十有四綴以小引又五十有七題
之曰光緒通州志郡人顧曾煥偕其季弟曾烜竭數年
心力爲之蓋先後承合肥梁小曙太守獨山莫善徵刺
史之命暨陽季君楨太史同郡沈笠湖都轉往來商定
而里中諸君子相與贊成者也道光朝先大父明經公
嘗肩斯役將成輒止今諸郡將鉅公不以鄙人兄弟爲
聞於文諉誣至再遂身蹈謗怨之地不獲辭亦不敢辭
誠大懼百有二十年文獻就湮且先人未竟之志之所
在也是役肇於同治戊辰之春成於今乙亥之冬其間
曾煥以牧槩微祿一赴龐湖再羈弁山曾烜忝竊時譽

索米長安兩辭家弄太守亦不常厥職凡再去郡坐是
作輟者屢矣刺史君雅尚文學不忍使九仞之功竟虧
一簣敦迫成書距發凡時已八更寒暑然遷延之役亦
自有故非盡玩愒時日之咎也為論次是書始末於後
曾煥謹跋

史之全書... 亦曰其辭... 亦志十卷... 其首卷...



2 6

